



BIBLIOTHECA
UNIV. JAGIELL.
CRACOVENSIS


35230

Mag. St. Dr.

P


THEOLOGIA.

N. 344.



35230

IX. 2. 72



M

R.

Cal

IN PASSIONEM
DOMINI
MEDITATIONES
QUADRAGINTA SEX
IUXTA NUMERUM
DIERUM
QUADRAGESIMÆ.

R. P. GASPARIS DRUZBICKI
Societatis JESU. Poloni.



Reimpressa
Calissii in Collegio Ejusdem Soc:
Anno MDCCXXI.

35. 280


T.

Lotion

N

sensuali
per ag-
ingruen
pius la
tutis m
as meas
ut possi
Adauge
tias etia
non aqu

2.
vobis d
eurz ve
tellige
de quanti
mentis
vobis cor
tus ad



MEDITATIO I.

Fr̃ia 4. Cinerum.

*Lit̃io pedum, Institutio Eucharistiae
Exhortatio.*

Non habebat Christus quod lavaret in se ante mortem, reperit in aliis; voluit ostendere neminem esse tam lotum, hoc est Sanctum, qui non indigeret, ut saltem pedes, hoc est affectus, sensualitatisq; delicta laveret. Et pœnitentia quidem semper agenda est, sed maxime ante mortem imminentem, ingruentiq; Dei iudicium, urgenda. O Domine, amplius lava me, etiam ab occultis meis. Delicta juventutis meæ ferventioresque concupiscentias & ignorantias meas ne memineris, sed dele iniquitates meas semper, ut possim ante te sine culpæ & pœnæ obligatione vivere. Adauge ergo in me Spiritum Contritionis semper. Gr̃tias etiam age Christo quod te abluerit & abluat sæpe, non aquâ, sed sanguine.

Hoc est, ait Christus, Corpus meum, quod pro vobis tradetur. Meum est, sed tradetur vobis & pro vobis, modo vobis proportionatò, pro naturæ vestræ exigentia, pro dispositionis singularitate. Intellige quodammodo in tua potestate esse fructus, quos, & quantos voles, ex Eucharistia, imò ex omnibus Sacramentis percipere, quantum te disponis; quam capax cordis affers, tantum sumis. Sed quid est quod iterum ad Passionem, Eucharistiam Sacram indicat? an

quia tibi pugnae sunt, cum natura, cum malis habitibus, & Passionibus parare voluit tibi auxilium, & præbere pharmacum? Vide quæ sit causa, quod tories Corpus Christi sumens, tamen efficiens indomitæque passionibus habeas? deinceps dignius hoc Sacramentum tractare proponas. Sat bene tractat, qui ejus sumptione proficit.


3. **E**xhortatur ad dilectionem mutuam Christus: nihil enim prodest Corpus exterius Dei causâ affligere, charitatem autem mutuam deserere. Multos invenies qui carnem graviter atterunt, paucissimos autem, qui in communitate viventes aliorum mores tolerare, aliisque moribus propriis molesti non esse sciunt; cogita particulares casus, & personas, quibus tu vel alios ferre non soles, vel aliis ipse molestus es, & emenda te in iis, disceque ita esse (juxta Christi petitionem) unum cum omnibus, sicut Filius cum Patre Aeterno unum est. Frustra enim appetes uniri Deo, nisi fueris unitus cum proximo; & sicut propter servandam unitatem cum Deo; ita & propter servandam pacem cum proximo multa subeunda sunt, quæ nolle caro.

Feria 5. post Cineres.

2. *Egressus Urbe, Tristitia,
Relicti discipuli.*

1. **N**on vult JESUS ad nostram Redemptionem capi & rapi in urbe: & tu si vis animam tuam redimere à peccatis, occasiones, conversationes, tumultus fuge. Cogita, in quæ peccata, quibus occasionibus sæpius graviusque cadis, & quomodo ex istis coenaculis ac domibus egrediaris disspice, & accurata fac proposita.

2. **I**n itinere, ex urbis egressu, occupat Christum pavor, tædium, tristitia, condole, & contristare cum



5

cum Christo, & scito, quod si servire volueris Deo, Christumque sequi. & à te ipso, tuisque sociis desciscere, reluctantem sis experturus naturam, consuetudinem, reprehensores, linguas, unde cœdia, tristitiaque nascuntur. Sicut autem Christus pergit hæc sentiens, & tu nolis Christo magis esse delicatus, sed sita in timore, & præpara animam.

3. **R**eliquit Discipulos Christus, tu ramen Christum ne desere. imò pete ab illo, ut te secum assumere, & spectatorem, ac si placet consortem etiam Passionis suæ esse velit; hoc ut assequaris, cura esse fervens ut Petrus, purus ut Ioannes. simplex & sincerus ut Iacobus. Et omnino hic statue per totam hanc Sanctâ Quadragesimam Christum Dominum patientem animo sequi, observare. imitari, compati; postulans ab illo, ut tibi lumen, fervorem, constantiam donet, quo multa in Christo patiente cognoscere, exprimere in te, in omnibus autem coram ipso perseverare possis.

Feria 6.


3. Oratio, Calix, Sudor sanguineus.

3. **D**isce à Christo, quomodo debeas, & quando orare Christum; in maximis desolationibus maxime Christus orat, ferventissime, diutissime, humillime, resignatissime: tu contra non nisi tunc oras, quando delicis spiritualibus affluis; in oratione es tam incircumspectus, presumens, piger, vagus, rarus. Quanquam est etiam alius tuus scopulus; ut ad orationem non recurras, nisi quando necessitas te cogit, quando autem quies est, & securitas, facillime orationem negligis.

2. **A**firmæ suæ condescendens Christus naturæ, calicem Passionis auferri petit à se, & tamen ratio-

A3

nali



nali parte promptissime illum accipiat, petique non suam, sed Patris fieri voluntatem. Orat ergo pro se, contra se, quod petit auferri, hoc postulat impleri. Disce & tu in pugnis interioribus te gerere debere, nec attendere quid caro possit, sed quid spiritui expediat & prosit, quidque ratio, & Deus, & Superior velit. O si induere conareris affectum illum JESU Christi, quo ille oblatum à Patre per manus confortantis Angeli Passionis calicem hausit, & jam tunc absorbit, ut tu quoque Crucem, dolorem, contemptumque tui pro Christo assumere, & sustinere eadem illa aviditate, & constantia velis. Nemo enim Christo melior patiendi Magister, utinam & tu sis discipulus saltem bonus.

3. **S**udas Christus, putas præ deliciis, & otio? Quin & tu te resolvis, & tandem statuis Christo servire usque ad defatigationem! non animum proponere usque ad sanguinem Domine JESU, sed si tuæ voluntati placet, fiat. Optima non potes sudare, sanguinem tuum pro Christo, fundendo, iuda salutem Christi sanguinem colligendo. Sanguis Christi, perfectio tua, sanguis Christi, salus animarum. Gutta sanguinis Christi, sunt minimæ occasiones merendi, & Deo placendi, quæ & ideo guttæ, quia videntur parvæ, ideo sanguinis, quia à Christi sanguine habent, ut rectè usurpatæ ad vitam æternam possint prodesse. Gutta sanguinis Christi inspirationes bonæ, quod enim à Deo datur meruit Christus sua Passione. Hunc omnem sanguinem si curasti, sanguinem Christi sudorem collegisti, ideo pretium laboris à Christo sperare potes, sed heu sanguis Christi sudor sævus est decurrens in terram, in vanum &c.

Sabbatho.

4. *Dormitis discipulorum.
Obviamus hostibus. Osculum.*

1. **O** Rante & agonizante JESU, dormiunt discipuli. Sic scilicet, quando Deus maximè pro salute nostra exercebat, nos peccamus, nos tepidiamus, nos torperi, & effusi Dei indulgemus, quasi Christus ideo fatigat, ut nos nihil agamus: nec veremur amarum illud Verbum. Si nondum? sic non potuisti unâ horâ v g uare mecum? O surge anima mea, exsurge a mortuis istis operibus, tepide, n g igenter, frustra, tactis, & in luce, sicut filium lucis decet ambula.

2. **S** Ciebatur Christus festinare Iudam, & Iudæos cum ministris ad se capiendum. festinat ergo & ille nec cedit, in d o procedit obviam, & præcedit amore furorem, sciens icet omnia quæ ventura erant super eum. Ubi tua virtus ô homo, si quid triste, vel à longè, vel falso prælegit animus, si quæ confessionis suspicio se preder, illico variis excusationum, pretextuum, consultationum, dissimulationum, impatientiæ, vindictarum, quærentur. Nunquid hoc est dicere, surgite cumus, ecce occasio patendi, confessionis, meriti laboris? Examinate, quoties occasiones huiusmodi à Divina manu oblatas rejicis?

3. **I** Ntempere Christus amica sanctorum animarum amat oscula, ut vel falso, vel si fide accedat, ut n g admit ar suaviatones; & quantò putas libentius acceptaret, a sincero. puroque fervore charitatis profecta? Gloriatu est coram Eia de Achab: quanquam minus tunc poenitentia Deus. O si, vel semel liceat dare verum a mors osculum Christi! O si ne semel contingat Christum hypocritice osculari! sed quoties (cheu!) ne de i?

quoties jam soleo illo modo dare? Exere affectus anima mea, sed humiles, sed solidos, sed amorosos, & illis JESUM compescere, & tuis castis osculis, Iudæ osculum deterge, quod si oris osculo, indignam te (merito) putas, pedes osculare, lambe vestigia pedum ejus.

Dominica I. Quadragesimæ.

5. Casus hostium, Captivitas Christi, Fuga discipulorum.

I. **V**ERBO JESUS prostravit universas hostium phalanges. Eheu! quis sustinebit judicantem, quem nemo sustinere potest patientem. Potuit Judas sustinere lavantem pedes, admittentem ad osculum, dantem sui Corporis Sacramentum, amici nomine compellantem, proditoris signum exprobrantem: non potuit, quod re ipsa esse, de se confidentem. Scilicet omnes alios vultus Dei. peccator eludere potest, germanam Dei faciem non potest; facies hæc, est ipsum esse, ait: Ego sum qui vos creavi, qui Patres vestros ex Ægypto eduxi. Ego sum in quem cadere non potest infirmitas. Ego sum à quo totum vestrum dependet esse. Ego sum solus, & extra me alius non est ullus, & ut sciatis quod vos non possitis, nisi quantum ego concedo. Cadite &c. Ut quid ergo scelera sceleribus cumulas homo, & tepiditatem arges negligentiam? An nescis quod qui te judicat Dominus est? Audi sæpe Christum ingemitantem. Ego sum Creator tuus, Redemptor tuus, Iudex tuus, Punitor tuus. Quomodo servis Creatori, amas Redemptorem, times Iudicem? tu autem quid? potes quidem dicere. Ego sum factura tua, Redemptus tuus, Reus tuus, sed num potes dicere: Ego sum servus tuus? fidelis tuus; non potes: cura ut possis.

Quadragesima.

9

2. **C**aptivus Christus in manibus hostium gemit, & tu compateris illi? merito; sed vide ne etiam in tuis vnculis gemat. Posuisti, aut accepisti illum in specie panis, quam puro corde, quam humiliter, ardentique affectu? Vnde quomodo Christus ab te tractetur, num non ut ab his Iudæis, num etiam pejus? Iudas tradito Christo, præcipit militibus tenere, ducite cautè, tenes tu, an ejicis? ducis cautè, an tractas inverecunde? Et quid prodest Christum recipere, si non retines; quid, ut retinere, indignè autem tractare? Captivus Christum, qui viam Dei, & veritatem in iniquitate detinet, nec ad justitiam erudit multos, quos potest, quos tenetur.

3. **F**ugiant Discipuli, quia ad Passionem ventum est. Compatere derelicto JESU, ex intimis medullis, audiens illum indignissimè haberi ab hostibus, deferri a discipulis. Disce quid possint ex se homines, etsi aliàs cum Christo conversari assuevi, etsi aliàs ferventes? Cogita quàm sæpè, quàm facilè, in leviori, quàm præsens est, occasione, à Christo recedis, & turpiter fugis? Doce de tua inconstantia, & te de tua infirmitate humilia, istud autem Christi robur, quo ille in hac captivitatis suæ hora abundabat, à Christo devotè postula, ut ei colligari, cum eo ad præfides trahi, calumnias, & cruciatus pati possis.

Feria 2.

6. Anna examen, Alapa, Responsio.

1. **E**xaminatur JESUS, nec dedignatur subire, iudex omnium, censuras impiorum. Tu ita superbus es, ut tua opéra nullam mereri censuram, aut reprehensionem putes, nullius iudicio putas esse subicienda. Recole quàm tu piger es, & perfunctorius, in

70 *Hebdomada I.*

tuz conscientia examine. Disce sic vivere, si que te
semper gerere, ut possis cum Christo dicere. Ego pa-
lam locutus sum, & in occulto locutus sum nihil, co-
gravi nihil, feci nihil, cujus testem conscientiaque ha-
bere metum. Disce sic vivere, ut purissimus divini-
tatis ille oculus, omnia intus internoscens, nihil in
te reprehensibile inveniat.

2. *Rô!* quod istud ad aures fulmen verberat?
Insi et Christo alapa est anima mea & tu non
tota exhorrescis, proque stupore palles? Sic scilicet et dis-
simulatus saepe deum Christo injuriam fieri videmus.
Sed videsne in gratiam humanam servare quod Principum
in actum est Christo alapam hanc? Heu respectus hu-
manus: quam frequenter ego vestra causa Christum in
faciem cado, a bono consilio, malum committo? Rubet
vultus Christi, ah dolor? sed quidni, non tam rubet
a pugno servi, quam a contemptu meo? certe scimus
honestos homines magis pudere repelli, quam percuti.

3. *Quis* crederet lucensque perventurum Deum.
Hominem abjectioni, ut diceret homini vili:
Quid me cadis? mea te calamitas a cadendo avocare
debuerat, seris aliunde afflictiis, & affligendus sum, quid
me cadis? Non ait tamen: Homo, serve impie, quis
tu es qui me cadis? &c. Anima mea non tu etiam cum
Christo dicis huic servo, ejusque supparibus, quid Chri-
stum cadis? Senti aliquantulam partem doloris & con-
fusione hujus, quam Christus sustinet, & quæ Christo
extorsit hæc verba, quæ tot alii cruciatus, & indigni-
tates non extorsit. Non protulit illa Christus, ut
argueret, sed ut commiserationem inveniret. Vide quo-
ties tibi dicit anima, quoties conscientia, Regula, Cha-
ritas, Obedientia, Paupertas, quid me cadis?

7 Caiphas, Falsi testes, Adiuratio.

1. **A** Pud Annam Christus examinatur de rebus veris, apud Caipham obtritur falsis, sed quomodo in eo, in quo verum malum non fuit - falsum inveniretur? Non est consilium contra Dominum cum sit ante Iudices, quando ipse venerit ad iudicandum & sciderit, quis illud inveniet? quis respondebit ei unum pro mille? Humana iudicia, & sententias non time, nec iustitiam tuam desere, quam cepisti tenere? si innocens es, illum time iudicem, qui in lucernis scrutatur etiam Ierusalem. Vide quae is in hac parte sis?

2. **I**n Aulis testimoniis Christus accusatur, ideoque absolveretur potius si esset apud eos causa, qui veritatem scire, & non potius innocentiam opprimere vellent. O quam frequenter accidit etiam iis qui proficere alioquin in bono student, ut non tam recte silire a malis consiliis, quam ea fucatis coloribus paliare, effugareque dictamina conscientis suis, per vim obtrudere solent? Saepe injurias vindicant, & zelare pro bono communi se dicunt: dicunt non ideo se narrare, ut detestum famae sit, sed quia minus sibi probatur, ut caveant alii, quia res nota est. Dilce non cuilibet sibi iri tui credere, sed proba spiritus utrum ex Deo sint, & omnia tua facta, ad sensum horae mortis, humanaque iudicii Divini explora. Non enim potest male iudicare, qui iudicii sui timet habere scrutatorem & interpretem DEUM.

3. **A** Diuratur Christus per Deum vivum, & facit pro nominis Divini reverentia, dici quae ad audientibus huiusmodi, quod sciebat extremam sibi fraudi futurum. Qui tu fidenter adjuras etiam Christum legatum. Adjuro te ut dicas mihi, si tu es Christus: quoniam ego sequor.

sequor, cui ego servio? scio te esse, scio per fidem, & intellectum, sed scire volo per affectum, & per amorem quendam, quem magnis tuis Sanctis communicare gaudeo. Adjuro te n. i. JESV per Deum vivum, per tuam inquam Divinitatem, ut dicas mihi verbum, quo cognoscam te in luce tua, ut sciam te, & amem te, ut sciam me scire, & me amare te, & ambulare coram te corde sincero & perfecto, prout par est in gradu excellenti, & heroico; utque sciam, q. antequam adhuc d. sis mihi. Petes a Christo spiritus pr. d. utiam, quo Christum & scias ipse, & aliis noveris annuntiare opportunè, fructuosè, sedulè, efficaciter.

Feria 4.

8. Scissio Vestium Caiphae. Blasphemia, mortisque reus proclamatur.

1. **I**nvidia quò non deducat? ad actus etiam pudendos & indignos se, sed quia invidia est, non videt, eum tamen cui nocere vult, & modum nocendi videt. Commune, & peius pessimis malum, à quo etiam magnorum rari liberi sunt, imò si qui illi obnoxii, hi maxime. Est tamen fraudulentum: omnia alia se esse potius quam invidiam simulat; commissum est officium, applicatur ad aliquid, successu bene negotium, laudatur alter, habetur ejus ratio: quid si? in corde tuo nascitur invidia, sed zelo Dei, & boni communis indota: itaque mox extenuantur dotes proximi, allegantur mores præteriti, aut eventus, deteguntur defectus, carpuntur bona, & quid non? Quem diligit Dominus liberabitur à malo isto; tu anima supplica Christo.

2. **Q**ui ne perderet obedientiam, perdidit vitam, qui adjuratur per Deum obtranti nominis maiestatem, verbum verum quidem, sed tamen tibi mortiferum

ferum
perit
propter
se Deum
munita
materiam
quomodo

3.
semetip
etiam,
coiquin
Christu
Domini
xisti, l
visti, p
gis dec
tis. A
amoret
& pro
Christu
non di

9.

1.

tum A
mines
Domini
jocibus
danda
lus es,

ferum dixit. Qui non suam sed Domini voluntatem fieri petit, qui etiam a Patre duodecim legiones rogare potuit, propter Patris tamen obedientiam noluit, is blasphemasse Deum dicitur. Frequens talis occasio patiendi in communitate, ubi laudandus quis erat, ibi comparatur. In hac materia, quomodo te gerere soleas, diligenter dispice, quomodo debeas, à Christo discere.

3. **R**eus est mortis Dominus JESUS anima mea, reus omnino; quia cum dilexisset te, tradidit semetipsum pro te, quia in finem dilexit te, morti addictam, mortis ream, mortuam; an non qui tangit picem, coquinabitur ab ea? Falso conciliabulum istud clamat Christum mortis reum, clama tu verè: Reus es mortis Domine JESU, descendisti de cælo, incarnatus es, vixisti, laborasti, captus es. omnia facere & pati decrevisti, pro salutè mea: verbum autem tuum; quanto magis decretum? quomodo potest transire? reus es mortis. At tu anima mea, non es rea amoris! non amabis amorem istum Christi, qui illum fecit reum mortis tuæ, & pro te? Imò ama, & ad mortem usq; amare ut possis Christo supplica. Dignus est enim morte, qui JESUM non diligit mortuum pro se.

Feria 5.

9. Sputa, Velamen, Verbera.

1. **D**amnatus à Pontificibus, conspuitur à Satellitibus JESUS, heu me qualis contumelia? Vultum Anglis desiderabilem & terribilem conspuunt homines vilissimi & pessimi. Heu! quanta sæpe ad ducem Dominorum peccare pergunt subditi & preceuntibus majoribus suffragantur, sequunturq; e minores. Formidanda res preesse, imò & magnum esse, si magnus & magnus es, magnus peccator es? non enim tibi soli peccas, sed

sed multis, quos tuo exemplo audaciores facis ad disciplinam servandam, ad negligenda bona; sic vive, et tuo ne exemplo alius causam vel minimam peccandi sumat: anima tua, pro anima ejus. Vae mundo a scandalis sed magis vae scandalis iustis, maximum autem vae magnis scandalis datoribus. Hactenus Religionis disciplina Virgo fuit, tu primus eis, qui illam prostituas, scandalumque facies?

2. **V**elamen Vultui Christi impositum est, anus quo sputorum irreverentissimas sordes detergat, habeat? an suam ipsius spurcitiam impietas ostendere harret? An piliis no Christi vultu moveri, a quibus mansueti se sentiens impietum animus, pius ne fieret timuit, ideo quae Christi faciem velavit? O anima vae amen Christo vultui nunquam obice. sed ut vel peccantem te aspiciat IESUS, velis? proderit tibi, sicut profuit Petro. O si tu vultui Christi velamen esse potuisses anima mea, ut sputa barbarorum haurire, & ictus excipere, Christi quae servire potuisses!

3. **V**erberatur, & de percussore prohetare jubetur, quasi sit mendax tua Veritas, o aeterna Veritas! sed scilicet quasi per risum stultus operatur malum. O cor, si viames, hic est occasio pietatis; profectibus tuis isthaec petra tunditur, ut tu fugere mel possis, oleum quae immingens caput colligere; cor quasso non proficis o anima, quid te ad Sanctitatis, hoc est. ad constantis, ac fructiferae virtutis studium adducet; si haec Christi ignorantia in oculis tuis, ab ipso tolerata, pro te, non adducet?

Feria 6.

10. Negatio Terri, Cantus Galli, Respectus Christi.

E. **O** quam miseri sunt profectus nostri, & quam infirmas

infirmas
prae zelt
tum
lus ire
juramen
Plane h
starem
sa obli
istum?
negasse

2. I
canis co
li Petro
era pec
Deus ei
facie.
humine
appositi
solus D

3. S
& conve
sibi, sed
mer ani
aspicieb
cere vi
pro cul
tum lep
spectu
oculis e
spice de
quenter
ut delid

infirmæ soliditates nostræ? ille Petrus, qui Christum præ æstimationis magnitudinæ, à locutione pedum arcebat, cum quo præ feruorē, in carcerem, in mortem, vel solus irē audebat, jam Christum notum sibi esse, cum juramento, & anathemate, ac detestatione pernegat? Plane hoc apud me frequentissimum: nunc mirē Majestatem Dei revereri, & statim eandem levissima de causa oblivisci, ac offendere. Non nōsti Petre hominem istum? verē eum non nōras, si enim cognovisses, non negasses.

2. **N**egat Petrus, cantat gallus, scilicet, quando homo peccat, conscientia vigilat: & velut canis custos in foribus peccatum adest. Sed cantus galli Petrum non convertit, neque etiamsi peccatum contra peccatorem est, semper illum emendat. Verū Deus est, qui peccata remittit, & converti peccatores facit. Superiores, concionatores, galli sunt, peccant homines, galli canunt; canunt inquam, quia confortē, appositē, harmonicē, pro ingenio, & captu dicunt. sed solus Deus fingit animos, & loquitur ad cor.

3. **S**ol terram respicit tot oculis, quot radiis, per idque varia producit. Respexit Christus Petrum, & convertit in fletum petram; amare quidem Petrus si vit sibi, sed dulciter Christo. Vide quomodo Christus amet animas; tam mare habebatur ipse, & tamen Petrum aspiciebat atque convertebat. Rem Christo gratiam facere vis? animam tuam, animas aliorum, ad amaro pro culpis fletus provoca; sic enim Dolores Christum lenivisti. Roga JESUM, ut te frequenter hac aspectu aspiciat. Verē enim sanitas in portis, hoc, est, oculis ejus, & aspectus ejus emissiones aquarum. Respice & tu Christum, effiacis imitationis desiderio frequenter, respice ut aimes, ut compatiaris, ut sequareis, ut desideres, gratias agas, imiteris.

11. Totius noctis blasphemie

1. **R**evoca in memoriam omnia, quæ istâ nocte Christus ab impiissimis illis passus est, & simul revoca totius mundi, & tua inprimis, quibus occultius & sædius Divinam Majestatem offendisti, & tua scelera, poenis Christi conterens, illaque harum causam esse agnoscens, amarissime quantum potes culpas tuas de fle, dolores, & ignominias Christi in te ipsam transfer, & poenis tuis luere statue, & contende. Sæpe etiam Deum deprecare pro istis peccatis, quæ vel sædiora, vel tibi occultiora sunt, nec pro tuis solum, sed pro omnibus illis aliorum peccatis, quæ sunt magis probrosa, occulta sine penitentia, vel ob negligentiam, vel ob ignorantiam culpabilem, relicta.

2. **R**ecogita quanta hominum tantæ multitudinis, qui ex ignorantia Deum graviter offendit, & existima talia peccata esse nocturna ista Christi supplicia; & quid hinc facies? ora pro a gendo fidei lumine in mundo, ora pro dædis Ecclesiæ Apostolicis viris, ora pro conversione infidelium, pro emendatione Christianorum. Te ipsam, quæ potes ad hunc laborem Domino offer, accingere, & preparare stude. Condole Christo, quod etiam hodie, in hac nocte gravissimas scelerum penas, apud impiis homines quasi luat, eumque cum potens sit, & velit, roga, ut hanc noctem quam efficacissime discutiat.

3. **P**erpente Christi Excellentiam, injuriam hujus noctis magnitudinem, & longitadinem; excita in te compassionem sensibilem, de tantis injuriis tali persona inflatis. Amoris intensos erga Christum affectus effice. Singulas injurias Christi, acta compensa, conformari Christo, aliquâ tui submissione, & contem

ptu constitue, & totā hac vg die illius infelicia
noctis lachrimabilem memoriam animo retine.

Dominica 2. Quadragesimæ.
12. Concilium matutinum, Con-
demnatio secunda, Iudæ Pœnitentia.

I. **M**ANè factò adducitur iterum ad Concilium
JESUS, & statuitur ante Principes Iudzorū,
examinatur iterum, & an sit ipse Christus interrogatur,
Christus JESUS in Sacramento est quasi vinctus in con-
cilio. Examina diligenter anima mea vinctum istum,
quem verba Sacerdotalia de cœlo evocant, & sub specie-
bus velut in carcere collocant, manus verò in altari,
tanquam in concilio proponunt, non tamen superbè, sed
humiliter, quære ex illo dicens: Si tu es Christus dic
nobis? Multū n proderit tibi responsio JESU, si respon-
dere dignabitur, & quidni dignetur tibi dicere ad hono-
rem suum, quod respondit Iudæis ad perniciem suam.
O JESU mi, si tu es Christus dic nobis, dic intellectui, ut
te sciat; voluntati, ut amet; dic toti Ecclesiæ, ut te ho-
noret; toti mundo, ut credat, & tibi serviat, hosque
Passionis tuæ contemptus compenset.

2. **S**ED quid adhuc desideramus testimonium, cū
ipsi audiamus de ore tuo piissime JESU, quod
tu sis Christus Filius Dei. Condemnant te Iudæi propter
vocem hanc: at ego te Salvator mi, veritas mea, & mi-
sericordia mea, amo, & laudo, & toti mundo annunti-
are cupio, quod sis Christus. Anima mea videsne tu
Christum Dei Filium tuī causā sic afflictum, & humili-
atum? audis damnatum? vides denuo vinctum? cur
ergo non ingemiscis, ad tale spectaculum? cur non &
tu vinciri, ac stringi votorum, diligentiz, ac morti-
ficationis, ætioribus quotidie vinculis gaudes? vide

an molesta sit tibi disciplina? Quid respondebis Christo objicienti. Ego vincior, tu vinci non vis?

3. **O** iudicia tua JESU tremenda, judicaris ipse ab impiis, & tamen simul judicas impios; fertur contra te mortis iniqua sententia, & tamen tu quoque iudicium terribile supra impios pronuntias. Judicas Petrum negantem & filvas; judicas Iudam poenitentem, & damnas. Ut converteretur, nec Petrus, nec Iudas meruit; reperisti tamen tu in sapientia tua, unde Petrum salvares; & in iustitia invenisti, unde Iudam perderes. Excita in te anima mea timorem vinclī huius JESU, castam, & filialem: quoniam vides in manu ejus claves vitæ & mortis, & roga, ut nunquam circa te clavibus mortis, semper autem vitæ utatur, simulq; vide, ne tua poenitentia sit, sicut Iudz.

Feria 2.

13. JESVS in pratorio Stat ante præsidem: Silet,

1. **A**dduci JESUM ad prætorium, nihil est aliud, quam velle Deum habere in conscientia, perturbationibus obnoxia, vel velle Christo quietè servire in multorum inutili conversatione. Non quiescis JESUS in pratorio, nec locum habet in corde passio-nato. Ejice prius turbam, quæ Christum deridet, & tunc Christum introduce. Cogita quibus præcipue turbationibus movearis, ac quæ in te vitia regnant, quibus inventis ea ad JESUM adduc, & ipsum iudicem miserie tue statue, ut misertus tui sanet te.

2. **S**tetit JESUS ante præsidem. O quâ vultus, morumq; modestiâ stetit? stetit sanè tanquam coram eo, in quo potestatem agnoicebat supernam. Tu vide quomodo stes, quomodo ambules, coram Deo tuo,

Præfide tuo, Fratribus tuis? Non est (ait prædicatorum) Deus in conspectu eorum, nunc interibunt; quidni intereat homo (Religiosus) quoties de Deo non cogitat, quandoq; idem aut bestia, aut diabolus est? Disce vel sic te gerere coram Christo, quomodo se Christus gessit coram Præfide Pilato.

3. **A**ces mi JESU: nec ad accusationes hostium respondes. O si me silentium tuum silere doceat, quando consistit peccator, hoc est, peccandi occasio, adversum me. O si sileant mihi inquietudines omnes cordis mei, vanæ & stultæ, ut soli vacem tibi, & os cordis mei loquatur animæ meæ, magnitudinem mirabilium operum, & dolorum, & contemptuum tuorum? O si cor meum discat esse fideus in te Deum suum, tibiq; causam suam derelinquere, & omnem cogitatum suum jactare in te, cui est cura de te. Vide quàm sæpe, & quibus occasionibus labaris per linguam?

Feria 3.

14. *Mittitur Herodi, Gaudet Herodes, multis interrogatur.*

I. **C**hristus captivus ligatusq; stipatusq; turmis, calumniatorum obit tribunalia, & Palatia Principum, & Præsidum, & Regum. Mi JESU quid hoc rei est? olim cum te vellent facere Regem turbæ, fugiebis; cum te patibularium facere volent, Regibus te præsentas? Non poteras ordinare, ut ad unum adductus judicem ab eo damnareris, sed omnibus præsentari volebas? An sic nostrum triumphas factum, qui ad honores cæci ruimus, à contumeliis verò, maxime verò in conspectu magnatum refugimus, nihi quæ ducimus acerbius, quàm confundi, aut detractum nobis esse coram honoratis, & multis? An potius delectabant amorem

tuum illarum confusiones & vincula, itaque velut gloriosus abundus, aulas Principum oberras, & de te ipso triumphas! O me infelicem, qui ab hoc JESU Spiritu absorptus longissime? Aliquando te offende, aliquando confunde anima mea Christi causam, & hic occasionem, ac tempus deligna.

2. **Q**uam saepe dolente ac patiente Christo, gaudet Herodes? nempe (ait Christus,) mundus gaudebit, vos autem amici mei, contristabimini. Sed quid est, quod viso JESU gaudet Herodes? an quia videt Patientem? olim audio, quod esset Christus natus turbatus est Herodes, quidni nunc viso eodem captivo gaudeat? Tanta est benignitas tua piissime JESU, ut etiam ad impios non venias, quin eis gaudium, aut saltem gaudii veri radicem (si tibi obsequi vellent) afferas. Ecce ego de te tam raro gaudeo, nisi quia te non cognosco, tibi non obsequor, tibi non constanter inhaereo, sed facile ad temporanea delabor? Non profunt sua Herodi gaudia de Christo, quia importuna Christo; compari sibi Christus volebat, non de sui visione frivolum gaudium haberi. Sperabat signum à Christo fieri videre, quia non videbat ipsum Christum ante se, signum cui contradicebatur, fieri. Infelix quem illud signum non movebat, quod aspiciebat. O quanta, quam mira signa in Christo, ante Herodem, stante! Anima mea, tu illa scrutare, cognosce, mirare, sequere, ut autem id possis, Christum deprecare.

3. **I**ntrrogatus multis Christus ab Herode tacet, accusatus ab Iudæis constitutus, constantius tacet. Sperandum se hujus silentii causam sciebat, nihilominus tacet, ad quod hæc taciturnitas Domine JESU? O tempus tacendi, tempus loquendi! inutilis quaestio, falsa accusatio, sat bene solvitur, & refutatur silentio. At quam rara hæc mihi ignotaque virtus, tacere tunc posse, quando silentium meum inutilitatem reputatur? Piissime JESU, si-

lulsi

Iulsi He
& nun
beo inie
te? qui
am tibi
quero a
saria, ut

Sp

2. S
so
non pote
quem an
cujusque
tem abili
serv erim
heu ind
patissim
vitam ne
si agnosce

2. N
um Pote
reverent
caltrill
b tam
gram, t
nes, in
quod tu
mino, 3
dumatio

lulisti Herodi inepta interrogasti, responde mihi, semper
& nunc utilia ab te poscenti. Responde mihi quanta ha-
beo iniquitates? quid adhuc mihi, deest quam longe sim à
te? quid debeam tibi? quo tu dignus es? quid retribu-
am tibi pro omnibus, quæ retribuisti mihi? Hæc dum
quæro abs te mi JESU, responde mihi, & confer neces-
saria, ut placeam tibi.

Feria 4.

*Spernitur, illuditur, induitur
ab Herode.*

1. SPERNIT Herodes JESUM, ille qui erat gavisus de vi-
so JESU. nempe quod ad pravitatem suam abuti
non poterat JESU, quoties & ego sic sperno Christum,
quem ante colui, spe terreni & caduci commodi, ali-
cujusque solatioli, quo frustratus, Christum, & pieta-
tem abjicio, & bona opera negligo, & quod non gratis
servi erim DEO, ostendo. Sprevit Herodes Christum;
heu indignitatem, sed quid faciam mihi, cui hoc usuro-
patissimum inspirationes DEI ad bonam, & ad perfectam
vitam negligere; quid est videre JESUM & spernere, ni-
si agnoscere Dei voluntatem, & non sequi?

2. Nunc foreviffe satis est, etiam illusione opus. O
maiestas, tibine illuditur? O reverentia cœlesti-
um Potestatum JESU? quem vel ipse Æternus Pater præ
reverentia exaudit, atque clarificat, hunc viles hominu-
culi illadunt. Heu me, quàm in me faba cuditur! ver-
bum unum, signum suspiciosum, meo honori oppo-
situm, noto, ferre non possum, iras, minas, detractio-
nes, inquisitiones spero, hoc certè JESUS non fecit,
quod tu JESU scilicet fidelis servus facis; conare, Do-
mino, & propone, Christo, has illusiones rependere re-
simationibus.

3. Sed enim benè est ; tandem bona causa triumphat, & innocentia candor emicat ; sanè dum mali iustos irrident, commendant. Noli affligi ò iuste, si quid adversi aliquando accidit, si adversarius persequitur sinè causa, non est difficile in oculis Dei, tribulationes tuas, vertere in consolationes. Sed, quid mihi, & consolationi, mi JESU, tu pateris, ego solatia sonnio. Nolo solatia, tuam potiùs amplector illusionem, & stultus tecum reputari malo, quàm cum mundo sapiens. O JESU hoc dictamen intimè penetrare concede, verè enim hæc meditari, hæc exequi, hæc querere, hæc amare, est sapientia, quæ traditur de occultis, abscondita sapientibus, revelata autem parvulis, manivetis, humilibus.

Feria 5.

16. Remittitur Christus Pilato,
Pax inter Herodem & Pilatum,
Nil invenit in Christo.

I. R Emittit Christum Pilato, aulica nequitia ; tanquam nihil cum eo sibi velit esse negotii. O nimis verè dictum : exeat aulà, qui vult esse pius. Aularum servi non possunt esse servi celorum, & cur multi festinant ad odorandum aulicas olas, et am ii, qui scilicet toti mundo dixerunt vale ? Remittit Pilato Christum, quisquis bonum, quod ipse ag re potest, aut poterat, alteri faciendum relinquat. Lavandus est peccator : at laborare piget, & pergere ? pergat aliquis alius ; quid iste facit, nisi Christum Pilato remittit ? vocat ad emendationem Deus hodie, ego cras me polliceor facturum, an non Christum Pilato remisi ? O Pissime JESU non pigeat me tui, non me tuæ conversationis cœdeat, in singulas horas, & momenta tibi inhæream, & nunquam

te à me remittam. Quomodo id cures, & cur negligis? dispice.

2. **I**nter Herodem & Pilatum Pax est, at non inter ipsos & Christum; impii, semper contra Dominum, & contra Christum ejus, concordēs; impietate enim non esset, si faveret pietati. Age, amicos tuos dispice, & ea quæ tibi sunt amica; eane quæ inimica Christo? ordini, pietati, disciplinæ, superiori, conscientiæ? si ita est, Herodem Pilato conciliatum scias. O mi JESU sint mihi omnium inimicitia propter te dulces, amicitia omnium sine te omnes amaræ, qui tuus est, jungatur mihi; qui non est tecum, contra me sit. Nolo amicum non tuum. Vide, an alicubi ob metum humani odii negligas obsequium Deo?

3. **N**ihil invenisti Pilate in JESU? malè quæ sivist, invenisses, si non malum in eo, sed bonum quæsisisses; ipse enim est plenus gratiâ, & veritate, in eo quæ sunt omnes thesauri sapientiæ, & scientiæ Dei. Quamquam mi JESU non est in te bonum quærendum, sed à te accipiendum; in mari non quæritur aqua, sed hauritur, & in sole lucem nemo scrutatur, sed usurpat. Quocirca verè olim per Prophetam dicebas Quid invenerunt in me Patres vestri iniquitatis? etenim Pilatus testatur se nihil mali invenisse in te. Hoc si ita est Domine JESU, (verè autem est) cur te tam facilè, tam levi de causa deserimus, quasi aliquid extra te inventuri simus melius te? Anima mea dic Pissimo JESU, ante Pilatum stanti. Mihi autem adherere Tibi Bone JESU, bonum est. Tu gloriatio mea. &c.

Feria 6.

17. Tu es Rex? A te metipso:
Quid fecisti?

1. **Q**uærit ex Christo Pilatus, an sit Rex Iudæorum? Non usurpabas mi JESU titulum hunc quia

imò oblatum fugiebas, sed calumnia hostium affingebat tibi, ut te reum apud Pilatum fecerunt, & odiosum, cruc que dignum. Heu mihi, quàm impatiens sum in aurum de me oblocutionibus, non effinguntur mihi crucem merentia crimina, non sanguis & vita petitur, non raptor ad tribunalia impiorum, verbum tantum est suspicio sola est, quæ me pœnè ad rabiem torquet. O si tanto Christi exemplo pati discam, & in calumniis gaudere, & obiectores earum modestè tolerare.

2. **M**ITIS JESUS respondet Pilato: a temetipso habes, quodd me Regem voces, an ab aliis? si à te, quibus argumentis id dicis? si ex aliorum sensu, quomodo id illi probant? Non ex me, sed ex illis, qui me dicunt esse, quare unde probent esse. Sed mi JESU à temetipso hoc dicis, an innocentia tua hoc poscit; pati volebas, sed non debebas; itaq; quæ obiecta sunt diuis, non tamen te supplicio eximis. Hæc nempe vera est innocentia, carere culpâ, refellere calumniam, subire pœnam, & exercere patientiam. Talem patientiam dicere anima mea; Hoc est enim ut socium Christi paris; Hoc Passiones Christi exprimere. Talem patientiam JESU da animæ meæ.

3. **I**NDIGNATUR Pilatus ad Christi responsum, & amarè exprobrat. Gens tua, & Pontifices tui tradiderunt Te mihi, quid fecisti. O JESU prius mori contingat, quàm sæculares spiritualium subditos prælatorum exemplo, depravatos, dicentes, & exprobrantes: Gens tua, & Pontifices tui, tradiderunt te mihi Christe, hoc est, docuerunt me quomodo deberem peccatis crucifigere te. Sed tu o Pilate quid quæris ex Christo? quid fecisti? quin potius quæris ex illo, quid non fecit? Ipse est per quem omnia facta sunt. Et sine quo factum est nihil: tu autem quæris quid fecit? Hoc quod te video Domine JESU vinctum ante Præsidem accusatū, pessimè tractatum, captum, venditum, tot hostibus vallatum, quid sibi vult? quid est? quid fecisti? An

hæc est abyssus charitatis tuæ? an hæc peccatorum meorum malitia? an hæc est gentibus stultitia, Iudæis scandalum, electis verò tuis virtus, & sapientia? O JESU mi aperi oculos meos, ut sciam, quid fecisti?

Sabbato.

18 *Regnum meum non est de hoc mundo. Ad hoc natus sum. Quid est Veritas;*

1. **O** JESU Regnum tuum non est de hoc mundo, quid ergo nos adhuc in mundo degimus, si de tuo regno non sumus? O utinam adveniat ad nos etiam Regnum tuum! aut tolle nos de mundo, & ad tuum transfer Regnum. Hic te dispice anima, de mundo es, an de Christi Regno? quid in te non mundanum, verba, studia, mores, nonne amas, & amplecteris ea, quæ mundus amat? nonne honor tibi tuaque æstimatio curæ? non contemni, negligique fugis? quod si ita est, tuum certè regnum de hoc mundo est: vel potius tu de mundi: proinde de Christi regno non es. Eheu quid prodest Christi regnum cognoscere, sed non habere.
2. **A**D hoc natus es, mi JESU, ut testimonium perhibeas veritati tuæ, veritati nostræ. & quando credemus tandem tibi? diffidemus nobis? Perhibe mi JESU testimonium cordi meo de veritate, ut in lumine spiritus tui, cognoscam quid sis tu; quid sim ego? quid debeam tibi, quia pateris tanta pro me? quanti æstimare Passionem tuam debeo? quantum adherere veritati tuæ, desciscere autem à vanitate, & veritate mea me convenit? O si scias & tu homo ad quid natus sis, an ut de die in diem gravius Deum offendas, an ut quotidie tepore tuo Christo vomitum cias, an ut ore & labiis

& velle servus Dei sis tantum; non magis autem ut servias Deo, in spiritu, & veritate, & testimonium perhibeas veritati Christi, coram pusillis, magnisque simul? & quomodo tuo satisfacis officio!


2. Quid est veritas? Grandis questio, & quam proponere potuit, audire non potuit, quia non meruit, Piratus. O infelicem, qui veritatem aspiciens non vidit? sciebat quod per invidiam tradidissent eum, nullam inveniebat in Christo causam, innocentem, justumque; proclamabat, nec tamen veritatem videbat. O infelicem, qui veritatem quasi non invenit! O Aeterna Veritas, quæram te, inveniam te, agnoscam te, diligam te, audiam te, servem te. O si in omnibus meis motionibus quæram quid est veritas? O si in omnibus veritatem intendam? & nunquam diligam vanitatem, neque unquam quæram mendacium. Sed heu! quoties vel ipse me ipsum fallo, quoties vana, adulatoria, ab aliis libenter audio, & vanus vanitatem à vanis aucupor, magnumque aliquid reperisse me puto, si vanitatem assequor.


Dominica 3. Quadragesimæ.

19. Quem vultis dimitti. Persuaserunt plebi. Non hunc.

1. Non tibi indignitate ipsa indignior videtur ista optio? anima mea? JESUS Barabbæ proponitur, & quis sit vitæ digni rambigitur? sicine Domine contemptus es? Sicine te abicere voluisti? quid misero me fiet, qui contemni, qui abjici nolo? At quid dicam, si ego ipse tales Christi comparationes instituo? Peccandum est, aut JESU Christi gratiâ abstinendum, utriusque occasio est: & ego infelix delibero, quid facto sit opus? quod, quid aliud est, quam quærere ex meis passionibus & cupiditatibus: Quem vultis vobis dimittite.

dimitti ? O stulta cogitatio , nonne IESUM IESU sancti-
tatis nomen rapit , ad hocq̃ se adigit , ut Christum toti
mundo præterat ? O infelix , præfer Christum , millies ,
premp-è , omnibus omnino rebus , præsertim in præsen-
tia sanctissimi Sacramenti constitutus.

2.  Rincipes Sacerdotum persuaserunt plebi JE-
SUM. perdere , Barabbam liberare. Sic à ma-
joribus orta est iniquitas , & tanta quidem iniquitas :
persuaserunt non solum disto , sed magis exemplo , non
solum IESUM Barabbæ postponere , sed ad mortem
etiam poscere , & cum tumultu vocumq̃ e invalescentia
perdere. Vide quantum possit authoritas , & potestas in
abusum detorta. Vide ne unquam in Christi perniciem ,
& contemptum veritas persuasionem tuam , auctoritatem
tuam , exemplum tuum.

3.  Pater Æterne , non hunc perde , sed Barabbam
quid enim hic mali fecit ? Nam placet tibi
ô Pater At rne hæc postulatio , quia unq̃ e non expedit
nobis , ergo vertimus & dicimus : Non hunc dimitte ,
sed Barabbam ; illum inquam Patrem nostrum antiquum ,
debitorem & fugitivum tuum , captivum draconis , uni-
versalem homicidam. Alioqui si fuerit hic dimissus ,
non poterimus nos salvi fieri , sanguine enim huius agni
lavari nos oportet , si mundi esse debemus. Non hunc
ergo Pater Æterne dimitte , non hunc : quia expedit ut
unus homo moriatur pro populo , & non tota gens pereat.
Sed tu quoque o homo diligenter nota , quem de duobus
dimittas , dimitte nequitiam à te , sed non IESUM ; sic
apud te liber IESUS , malitia v-ò vincta & necata ,
coarctata , & quasi in carcerem missa. Porro , cum au-
dis ô homo polci , ne dimittatur IESUS , sed magis ut
crucifigatur postulari à Iudæis , adhære constante : Chri-
sto tuo , cuius sanguinem & vitam peti , quem ad crucem
advertis postulari , & contristare de tam tristi sermone ,
aut etiam si vis , petita ab IESU licentiâ gaude , quod
istâ Christi retentione , & captivitate , tua libertas tran-
sigeatur

figatur ; pro qua re Christo gratias age.

Feria 2.

*Quid Faciam de JESU? Quid
enim mali Fecit? Tolle, Cru-
cifige eum.*

1. **A**udisne anima quid Pilatus querat. scilicet equid-
nam faciat de JESU. O Pilate! o Iudex! quid
facies de JESU? si reus? convince, & damna. Si inno-
cens? dimitte, & libera. cur ab accusatore queris, quid
de reo facias? da tu consilium anima mea Priato, & per-
suade quid facere debeat de JESU, an forte dubitas te
quidquam profecturam consilio tuo? te igitur ipsam, alios
que, quos attinet, instrue, quid facia-, quid faciant de
JESU. Multum feceris, si quidquid illi in te displicet,
a te rejeceris, si JESUM ad cor mundum, humilitatum,
contritum, inflammatum induxeris. Si doctoribus Christi
participaveris, crucem, & ignominias ejus non erubueris?
hoc de JESU facito, contentus erit. O si hæc tibi quoti-
diana esset questio, quid faciam hodie; quid hac horâ,
quid hac occasi- ne de JESU? quem enim decet scire, quid
facere debeat de JESU, nisi socrum JESU?

2. **Q**uid enim mali fecit? obrudit, crucem boanrib;
Iudæis Pilatus, sed quid queris ab his Pilate,
quid mali fecerit JESUS, qui JESUM non ideo perdi-
volunt: quia malus est, sed ideo potius: quia bonus est.
Malus nunquam bonum odit: quia malus, sed quia bonus
est, & quod contrarius operibus ejus. Iraque in Christo
Iudæis non est crimen malum esse, sed bonum esse, &
quia illi mali, iste bonus, ideo illum crucifigi volunt,
tanquam sibi malum, quibus bonum videtur se malos esse,
& quia semper malis bonus est malus, utpote contrarius.

Et tu anima quidni quæris à te ipsa peccante, vel in peccatum inclinante, ingratitudeque in JESUM committere festinante; Quid mali mihi fecit IESUS, quia peccavi, quia peccare meditor? Item, quid mali fecit, ut in eum peccem? imò quid boni mihi non præstitit, quid non præmii promissit, si non peccem, & ut non peccem, ut quæ hoc in gratiam ejus faciam? denique quid non minatur mihi mali, ut non faciam malum?

3. **O** Corda fæxæ, & Ruporis furorisque plenissima? Heu quorsum non ascendit furor malorum ubi semel frenos excussit; non pudor, non ratio, non conscientia, non autoritas, non omnis causæ, quæ prætexi posset absentia, retrahit à nefando odio, ab immani invidia. Vide ô homo quanti sit invigilare semper mortificationi passionum, quantumconque illæ dormitæ & pacatæ videantur. Sed, quid audio Bone JESU? te crucifigi, te tolli volunt de medio populi, isti quos tantis affecisti bonis, quos nullis affecisti malis? O mi JESU, tolle me, crucifige me tecum, affige me cruci dolo um, ignominiarumque tuarum, ut gaudesam in omni adversitate, ac potissimum ut ab his contemni libenter feram, quibus à me alioqui bene sit.

Feria 3.

21 *Nihil tibi & iusto illi, Lotio manuum. Sanguis ejus.*

1. **N**ihil tibi & iusto illi. Etiam somniantes liberant JESUM, quantum in ipsis est: at nos, & somniantes, & vigilantes, crucifigi poscimus, imò ipsi crucifigimus. O homo disce ab hac Ethnica Pilati uxore, teire subterfugere occasiones, nec te immiscere causis & peccatis aliorum: quando ergo vides alios peccare? contendere, murmurare, queritari, præsertim in talis

aliis, ac maioribus: dic tibi ipsi: Nihil tibi & iusto illi.

2. **L**Avat manus Pilatus, & tamen contra conscientiam JESUM damnat, innocentem se ab iusto sanguine vocat: fuisse, nisi voluntati, & importunitati in piorum celsisset. Habuit scientiam, non habuit exequendi constantiam. Et quàm multi tales, qui sunt extra compositi, quieti, sedati, honesti, loquentes bona & pia, sed tamen non fugientes peccata, & in occultis committentes multa, quæ famæ aliorum nocent, quæ repugnant votis, quæ externis moribus sermonibusque non concordant? Hæu ine, nam ego quoque homo sum, blandiri mihi, insultare aliis solitus, lava me a foris, inquino intus. Mi JESU, lava me totum intus & foris, & quasi nivem dealbâ.

3. **Q**uæ hæc rabies impiorum istorum, ut sanguinem Christi sumant non super se tantum, sed etiam super filios suos. Mi JESU à tam resoluta in malum impietate erue me. Sed quàm acerbo sensu dolosis fauciatum est cor tuum piissime JESU, quando tam infernales, & sanguinis tui sitientes voces audisti? Gratias tu anima, & gratias Christo immensas age, quod sanguis ejus sit super te, quod omnia, quæ habes habere vel potes bona, à sanguine Christi habeas, quod merita sint Christi merita, quam tua peccata; hoc te sanguine lotam, & purpuratam memento, et eum in te, aliisque tui similibus honorâ.

Feria 4.

22. Christi ante flagellationem nudatus.

1. **V**ide quo adduxeris Christum anima mea peccatis tuis, qui terras graminiibus, arbores foliis, celum stellis vestivit, ipse propter te hodie nudatus est in oculis

oculis mundi, ille, qui est amictus lumine sicut vestimento, qui indutus est fortitudine, qui pulchritudinem, & decorem induit, ille formosus in stola sua, modo nudus est. Considera quoties tu illum nudum constitueris in corde tuo? Quoties te gratiâ ejus exuisti? quoties merita ejus calcasti, toties illum nudasti. O ingrata anima, Deus parentes tuos peccatores noluit nudos à se ex paradiso ejicere, tu Christum Dei filium, apud te denudas. Natis JESUM plus dolere, quando te suis donis per peccatum nudatam videt, quàm quando ipse nudus fuit? O si ornare animam tuam, & aliorum proximorum assuescas. Christus enim ornatur, dum anima ornatur, siquidem ille pro ejus ornamentiis nudari voluit.

2. **P**aupertatem spiritus, veram illam, & tantopere Christo amatam, totaque vitâ honoratam virtutem, & sponfam concupiscis? Ad hoc exemplar te compone: nudus est IESUS, & nudum se esse, propter te factum toti mundo ostendat: & tibi misero grande ac grave videretur carere superfluis? O si etiam disceres carere necessariis! quanto paucioribus egēs, tantò minus terrenus es; aliquando te reso ve, & nudus esse propter Christum incipe. Non tibi sit pudori vilis vestitus, pauper lectus, modicus cibus, tenuis & misera supellex, nulla tui opinio, æstimatio, cura. Male vestiri paupertas non potest, quanto nudior, tanto cultior, tantò etiam magis debet, & statui suo convenienter vestita; & revera probatum est, facilius nihil omnino haberi, quam aliquid vel minimum. En Christus à te petit, & exemplo præt, ut omnia propter ipsum re ipsâ, rejicias & tergiversaberis?

3. **O**culi si mundi, si sinceri, si sani estis? in orbem solem aspice, dum licet: non diu enim licebit quippe mox erubescet sanguine, nunc in candorem illum vos intendite, quem jam jam rubicundum aspicietis. Nunc se amor vobis nudam spectandum exhibet, spectate, mox velatum videbitis vestimentumque sanguine

sanguine scilicet suo purpuratum. Desiderabitis illum videre tunc, sed non erit ei aspectus. O mi JESU contemplari te cupio, sed oculis careo, da illos mihi, ut videam, & cognoscam te in plenitudine lucis, in candore nuditatis, ut participem de nuditate tua, & purificer puritatem tuam, sciamque tibi nudare cor meum, ab omnibus, quæ terrena sunt, quæ vana sunt, quæ fervorem meridiei non referunt. O quis det in simplicitate, & sinceritate cordis, te diligere, te potiri, tibi jungi!

Feria 5.

23. Alligatio ad columnam.

I. **Q**ui terras alligavit in nihilo, qui ventos velut in utre conclusit, qui arenam posuit terminos maris, nunc eundem ipsum impii ad columnam alligaverunt. Funes peccatorum meorum, quibus ego à tartareo illo carnifice stringebar, circumplexi sunt te mi JESU, & ego tantum abest tam immensi commovear ut spectaculo, deque peccatorum meorum vinculis tibi detrahendis cegitem, ut potius vincula vinculis, hoc est, peccata peccatis addam. O me impium! te à carnificibus ad columnam alligari indignor, & nihilominus vincula tibi ex peccatis meis neci; atque augeri patior. Cum tamen si ego non peccassem, sciam te victum nunc non futurum fuisse. Si quis ergo doles Christum victum esse, tolle peccatum ab anima, & Christum solvisti.

2. **F**unes ceciderunt mihi in præclaris: funes mei hereditas mea, hi ceciderunt mihi in præclaris mi JESU tunc, quando per te præclarissima totius creaturæ gemma mihi est restituta, & reddita. Reddita autem non vulgari quopiam modo, sed verè in præclaris, in deloribus scilicet tuis, in vinculis tuis. O quantum estimandi sunt mihi funes tui, hoc est, dolores tu Domine JESU, quibus mihi hereditas mea cælestis quam

quam ego vivendo luxuriose, abundo peregrè decoxerā, restituta est? O quam cautè hæreditas hæc mihi, & curanda, & servanda est, quæ tanti constat quæstori meo, ut pro funibus hæreditatis meæ debuerit ille sustinere fumes Passionis suæ.

3. **A**lligatus est IESUS, & in flagella paratus, tu solutus quasi onager incedis, renuens alligari, refugiens flagellari. Hoc scilicet est dilecto conformari, hoc est in myrrhæ collibus versari, hoc est fasciculos myrrhæ colligatos offerre. Ah mi IESU, quàm multi te contemplamur nudatum, alligatum, flagellis subiectum, quàm pauci tamen propter te, tecumquæ nudari, alligari, flagellari gaudemus, aut contenti sumus? Da humillime IESU, qui in Passionis tuæ hora, singulis momentis, novo fervore, novos dolores, pro me subibas; ut ego singulis momentis, recenti spiritu, tibi servire, & novis modis me tibi, tuæque columnæ, & Cruci, alligare, tibi que placere, & conformari studeam, ut omnes inventiones meæ, tuæ inserviant dilectioni; imitationi, possessioni,

Feria 6.

24. Flagellatio Christi

I. **C**Rudele spectaculum, & dignum ad quod sol exhorrescat, intremiscatque terra. Certè Angelæ pacis amarè flebant, Regem Angelorum flagellari aspicientes. O indignissimam tragoediam, rerumque catastrophenservi Dominum, subditi Regem, homines Deum, creaturæ Creatorem, impii Innocentem flagellant; injustè; quia sinè ulla causa; indigne, quia tantam personam; ingratè, quia eum, à quo tanta bona acceperant; crudeliter, quia cum tanta animi rabie, maximoque patientis dolore; ignominiosè, quia publicè; & sordido supplicii genere. O quàm multa doloris causæ, & circumstantiæ,

C

quibus

quibus tamen ego nihil moveor, ut cessem à peccato; ut exeam de tepore, ut Regimeo in passionibus conformer. Heu! quàm multa flagella peccatoris, si tam multa innocentis? Si hæc in viridi ligno faciunt, in arido cu d fiet? si Christi flagellatio à matutinis totâ die, nonne peccatorum erit per totam æternitatem?

2. **O** Quàm dare tractanda est mihi caro mea rebellis, siquidem Christus tam immaniter affligi suam innocentissimam patitur? Et carni quidem Christi nihil opus erat tanta pati, mea caro longè plura meruit sustinere, utpote quæ debuerit in æternis ardoribus ardere. O si p ndus sensualitati detrahere, si illam jugiter discretè affigere, si illam prudenter confandere, animæque regimini subicere sciam, & velim? Quis unquam hosti perenti ignem, quo ille combusturus sit domum exhibitoris ipsius, concessit? quid porro ego facio, quando sensualitati in cibo, potu, somno, jociis, mollicie, indulgeo, quàm flammam hosti meo quâ ille me ipsum exurat, concedo, quàm obsessis hostibus v etualia, & voluptuosa etiam (proh de mentiam!) suppedito? hoc non est expugnare, sed confirmare hostem. Disce ab JESU tractare carnem, verberare, fame, siti, inedia, fatigatione, frigore, neg ectu; duritie, asperitate, hoc enim est verè carnem odisse secundum mundum, amare secundum Deum.

3. **V**idesne anima mea JESUM, amorem tuum, illum modo candidum, jam jam sanguinis purpurâ rubicundum, totum plagis lividum; vulneribus saucium, sanguine cruentum, dolore exhaustum, ignominia abjectum, totum denique alium? sic alligatum sic tractatum offer æterni Patris conspectibus, ut saltem propter tam miserum spectaculum misereatur tuæ, & totius mundi. Offer ipsum JESUM, ipsumet JESU, & per ista ejus vulnera misericordiam posce, doens, quod ejus tantis doloribus hætenus gratam te non exhibueris. Offer Spiritui Sancto, & pete, ut te ob hunc te am JESUM

IESUM illuminare, purificare, accendere, confirmare in bono, præservare à malo semper pergat. Immisce te, & suppone plagis IESU, quæ jam in ipso locum non habent amplius. & eas tu excipere concupisce. Convertere, vel converti a te, in lacrymas tam copiosas, ut his balneum abluendo Christo, balsamum illinendis ejus vulneribus suppeditare possis. Roga IESUM ipsum, & amorem ejus, ut ve it subrahere concursum carnificibus istis, ne ipsum flagellare possint.

Sabbato

25. *Purpurea chlamys. Corona spinea.*

1. **N**ihil opus erat, ô milites, hac purpurâ IESUM vestiri, quem iam flagella carnificum vestierant suo sanguine, an quia crudelitatis pudebat, recondenda fuit, an quia quem indueratis vestrâ crudelitate, & lubricabat etiam vestire ludibriò? an iste est mos peccatorum, ut lancinent Christum sceleribus, interea tamen, vel hy occriticis iludent moribus, vel sacrilegis integumentis velaminibus, vel per impudentiam gloriantur, & triumphent de iniquitatibus? O homo videlicet qualem vestem Christo circumdederis, quam illa fœda, quam spurca, quam vilis? Hæccine est illa innocens stola priamæ, quam ipse tibi in Baptismo contulit? ideo contulit, ut ea non ita fœdes? O ingratus, redi ad Patrem, supplica cum prodigo, ut tibi proferri jubeat stolam priamæ, pinnæ similem, ut te scilicet gratum, sanctum, perfectum in oculis suis faciat.

2. **Q**uid tibi & spinis mi IESU, gratiæ caput tuum, caput gloriæ spinis horret. Heu spinæ pungis, & pangs ac si in creatoris injuriam essetis conditæ, ne alligatis caput Majestatis. At enim non spi-

nz culpandæ sunt, sed humanæ malitiæ. Ego Christi corona sum, sed spinea, pulchro nomine, laudabili professione, Sancto instituto glorior & appellor; sed non vivo, non respondeo, non sum quod dicor. Ager sum sed spineus, & Christo tantum tribulos parturio, scilicet super te mi JESV venit illa Patris nostri maledictio. Maledicta terra in opere tuo, spinas & tribulos germinabit tibi, respice JESV dolores tuos præsentis, & fructus surgentes, nonne spinæ omnia? Heu me si etiam in his maledictis terris connumeror?

3. **M**I JESV, vita præsens, vita spinea est, ego illam stultus auream puto, plumeam cogito & cupio; quod putem pater, quia amo: quod cupiam, patet, quia in hac vita pati recuso: quam si spineam scirem, pressuras ejus ferrem, & molestam esse non mirarer, imò mirarer non esse. Quis calcavit spinas, & non est sauciatus? quis vixit in hoc mundo, & non est afflictu? Ecce te oportuit pati mi JESV, ego autem eximi volo à puncturis, qui tamen hæreo in spinis. Pungant me mi JESV propter te spinæ vitæ hujus, & non teneant, ut sic cupiam compati nunc tibi, possim autem postea cohabitare tibi. Da ut plus delecter spinis tuis, quam mundi rosis, sit mihi omnis consolatio mundi spinea, sit mihi omnis afflictio propter te rosea. O uicem nam hoc sentiam in me, quod video in te.

Dominica 4.

26. Arundo, Genuflexio; Conspuratio.

I. **A** Rundo in manu Christi, quid est, nisi omni esse arundinea, & nullius frugis in conspectu Dei? quid est, nisi omnia tam facile à Deo annihilari & immutari posse, quam facile arundo moveri, frangiv

potest.

potest. Arundo ista, contumelia Christi est. O si sciret
cujus in probrum cooperetur, quantum sibi metueret? in
cujus manu est, ei probrum facit; quid audacius, & indi-
gnius, si sensus & ratio subisset? sed ò peccator, de te
fabula narratur, qui licet arundo sis, licet in manu Chri-
sti sis, tamen non vereris esse Christo Redemptori tuo
contumeliosus & probrosus. Quam facile frangitur arun-
do, tam facile perdis potest peccator à Deo: & nihilominus
inflaberis tu arundo vento agitata? ò palea à tritico se-
gregata. Sceptri te putas esse vice, cum arundo sis, &
quidem arundo in manu Christi, facilis confractu, igni
nata, pondere & valore cassa, nullatenus solida, Spiri-
tui Sancto te exhibens minimè tractabilem, sed refractori-
am, rebellem, immotam ut saxum.

2. **Q**uæ ista tam subita mutatio? qui modo spinis co-
ronabatur, jam coram illo genua flectitur? an ta-
lis hæc est flexio, qualis coronatio? nescit proficere ni-
si in pejus malitia, & qualem fecit Regem coronando,
talem adorat & salutat genua flectendo. Nempe Regem
dolorum te fecerunt mihi IESU, ideo, dolore plenas affe-
runt salutationes. Quid hinc mihi documenti Bene IE-
SU? primum quidem honores, quos ego tibi exhibeo,
sæpe tibi dolori & illusioni esse, ob suas imperfectiones,
defectus, inconstantias. Dein, doces me quid præstare
debeam tibi pro Passionibus tuis; scilicet honorem, sub-
jectionem, reverentiam, ut sic veros tuos honores, &
ignominiosos dolores, meis qualibetsqualibus in gloriam
tuam obsequis rependere coner. O Anima mea discce, &
assuesce Christo hæc exhibere quàm creberrimè, quàm ac-
curatissime; potissimum vero in Sanctissimo Sacramento,
quàm frequentissimè, humillimè, ferventissimè, saluta-
tiones, visitationes, genuflexiones, prostrationes exhibe.

3. **O** Rex probrorum: vultusne tuus sordium, & spu-
torum receptaculum est? O stupor super stupores I
IESUS sic sese abjicere potuit, ut in suum vultum illum
Theandricum, quem Dei Persona faciebat, & suâ Digni-

tate Divina per unionem Hypotheticam ornabat exornat permitiat? Proh superbia! quousque locum habes in mundo? cur tanto pudenda spectaculo ad infama præceps non ruisti? humiliavi me aliquando; nunquam tamē ut Christus. Esto faciam ego me infernalium etiam sortidam foetumque sentinam, nunquid Christi humilitatem æquabo? Et tamen: ah quā raro, repugnantissime humilior? quā refugio, & non fero contumelias ac confusiones, quā facillē mihi complaceo, quā libenter laudes meas appeto?

Feria 2.

27. Ecce Homo.

1. **A**spice Anima mea opus manuum tuarum, tibi per istud [Ecce] propositum. Si nescis quid fecisti? Ecce Homo, ecce opus tuum, ecce IESUS scelus est, & factus, & sauciatus, & vulneratus, non est illi species, neque decor, non est illi aspectus, vermis est, & non homo tu fecisti talem, quia peccasti. O infelix non te commovet spectaculum hoc? non exhorrescis enormitatem malitiae tuae? non ducis poenitudine super tanta nequitia tua in Unigeniti Dei Filii IESU Christi contritione? Si quis Patrem tuum sic tractasset, non indignareris illi? si tu amicum tuum, vel Patrem tuum sic tractasset, non te malitiae tuae pueret? non omni ratione conareris tam impium facinus dignā poenitudine deere? Nunc ergo aspice frequenter hominem hunc anima mea, & execrare opus tuum, detestare peccata tua, deprecare IESUM sic abs te tractatum.

2. **V**idisti Anima mea quid feceris in homine isto, vide etiam quid ipse fecerit in seipso? Fuit Deus, ecce jam Homo; fuit dives, ecce jam pauper; fuit innocens, ecce accusatus, & punitus; fuit Rex, ecce ludibrium;

um; fuit
enormi
ponit
entiam?
vis obedi
ecce hom
et heu r
nunquid
ce h mo
mo non

3. **E**cce
pter illu
pter tale
solutione
fatigatio
tionem
aliud, n
minem,
do indu
Deum ce
lestis? I
lis homi
lis sum
potibili

28.

I. M
humilit
quod a

um; fuit homo, ecce vernis. O quàm copiosum spectaculorum theatrum, tibi modò in isto uno homine, proponitur? vis humilitatem? ecce homo humilis. vis patientiam? ecce homo patiens, & patientiæ portentum, vis obedientiam? ecce homo obediens: quidquid vis, ecce homo omnium tibi exemplar, Magister, Speculum, et heu nunquid tu talis homo es? nunquid esse debes? nunquid conaris? vis scire qualis homo esse debeas? Ecce homo. Vis scire qualis futurus eras homo, si hic homo non fuisset propter te talis factus homo? Ecce homo.

3 **E**cce Homo. Ah quid qualiter factus propter me? Ego autem quid tandem teci haecenus, ac facio propter illum? & quid me facere, fecisseque jam decuit propter talem Deum Hominem? O quando me resolvam resolutione seria, ut tandem serviam Christo usque ad defatigationem, ad passionem, ad abjectionem, annihilationem. O quando nihil in me viveret, erit, eminebit aliud, nisi Hic Homo? Heu quousque istum terrenum hominem, non hominem, sed jumentum portabo? quando induam illum cœlestem hominem, qui secundum Deum creatus est, non de terra terrenus, sed de cœlo cœlestis? Mi IESU, qui factus es propter me homo, & talis homo; da, mihi ut aliquando d. sinam esse talis, qualis sum homo: incipiam autem tibi esse per omnia mihi possibilia similis homo.

Feria 3.

28. *Vnde es tu? Non haberes potestatem. Majus peccatum habet.*

I. **M**irabilis hæc interrogatio, unde es tu? eamque & tu ad IESUM usurpa, ex eoque reverenter, & humiliter quaere. Mi IESU unde es tu? scio quòd sis a Deo, quòd à Deo processisti, & v. nisti, scio quod sis homo

conceptus de Spiritu Sancto, natus de Virgine, sed hoc non quero abs te mi IESU, illud quero unde es tu? tu sic saucius, sic illusus, sic abiectus, sic sanguinolentus? Unde es tu in tantis injuriis tam mitis, in tantis doloribus, tam patiens, in tanta desolatione, tam constans? Nec mirare quòd ego quæram hoc, etenim quærunt illi, qui in te semper desiderant prospicere Angeli scilicet, & dicunt. Quis est iste qui ascendit de Edom & de Bersa, tinctus sanguine. &c. An à peccatis meis, & iniquitatibus meis talis factus es? An ira plagitus es in domo eorum, qui diligebant te? an bonitas naturæ tuæ, fecit te in tantis malis tam bonum? tam mansuetum, tam mitem? Unde es tu anima mea, tu peccatrix olim, modo mundior; tu olim vaga, modò firmior: tu prona quondam in malum, modò constantior, nec sic averfa à bono? Nonne id habes à IESU Christi sanguine? & quid retribuisti?

2. **I**n dñationem Pilato movit silentium Christi, jactabat potestatem vitæ & necis, sed Christus animosè ferociam retundit, & ait; non haberes potestatem adversum me ullam, nisi tibi datum esset desuper. Hoc est humiliari scire sub potenti manu Dei, hoc est iplas etiam injurias acceptare, non tanquam à malefactore, non tanquam ab injurioso, sed tanquam à manu Dei venientes. Nec est ulla efficacior fructuosè sustinendi injurias ratio? quàm cogitare, sibi que persuadere, quod Deus potestatem fecerit injurianti, injuriā faciendi. Quis vero audebit, nolle id sustinere, quod intelligit Deum, ut sibi accadat, vel permittere, vel etiam præcipere? Dominus Deus hoc mihi sub titulo injuriæ humanæ misit, ego mancipium Dei mei illud non acceptabo?

3. **V**erè majus peccatum est, Christi ablutum esse, tam sæpè, tam copioso sanguine, nec tamen dignè Christo, Christi que sanguine vivere? majus enim peccatum est in magna gratia minus bonum esse, quàm in parva gratia valde malum esse. Sicut enim ubi abund-

davit

davit delictum
missus
re? utiq
tes ista
poeniten
Deo usq
desenla
usque ac
sanctus
rorem, t

29.

vesp

I. F

gloria
ergo on
Rex ve
O ira
o cupid
inhibes
non fre
sur te
diti; si
& aliq
s. b. tal

2.

esse, &

davit delictum, abundat gratia; ita ubi gratia abundavit, delictum saepe abundat. Unde etiam in die iudicii remissiùs erit terræ Sodomorum, quàm dñm iudæ; quare? utique quia si in Tyro & Sydone factæ fuissent virtutes istæ, quæ factæ fuerant in Iudæa, in cinere & cilicio poenitentiam egissent. Nunc ergo tu Capharnaum, quæ à Deo usque ad cœlum exaltaris, vide, ne usque in internâ descendas, & tu qui posuisti os tuum in cœlo, vide, ne usque ad inferos superbia tua detrahatur. Et quis tam sanctus erit, cui vel ipsa sanctitatis, & iustitiæ gratia terrorem, timoremque hunc non ingutiet?

Feria 4.

29. *Ecce Rex vester. Regem vestrum crucifigam. Non habemus Regem.*

1. **H**icce Rex tuus o anima mea? an te pudet exprobrationem hanc Pilari audire? an potius gloriæ tibi ducis talem te Regem habere? si ita est, dic ergo omnibus tuis sensibus, affectibus, motibus: Ecce Rex vester, huic vos conformate, huic vos submitte. O ira, ecce Rex tuus mansuetissimus, cur te non regis? o cupiditas, ecce Rex tuus moderatissimus, cur te non inhibes? o lingua, ecce Rex tuus tacitissimus, cur te non frœnas? o caro, ecce Rex tuus mortificatissimus, cur te non affligis? si ille Rex vester, utique vos subditi; si ille talis Rex, cur vos non tales subditi? vide, & aliquando intellige anima mea, quæ te deceat esse sub tali Rege.

2. **R**egem vestrum crucifigam? an hoc absurdum pñate? o si scires illum etiam Regem tuum esse, & Regem Regum, tum diceres, Regem meum, Regem

Regem Regum crucifigam! sed quin tu magis absurdum reputas homo, Regem tuam JESUM, in tuo corde crucifigere? Non solis peccatis gravibus crucifigitur Christus, sed etiam quibusvis imperfectionibus, deliberatis peccatis, immortificationibus, scandalis, verbositatibus, repiditate, inconstantiâ, neglectu proficiendi, neglectu aliorum salutem, Christiq; gloriam promovendi. Nonnumquam si quando se dat occasio, tu vide quid agas? potius dicas, itane verò mi JESU, ego te Regem meum crucifigam, in Cruce pendere sinam? &c.

3. **N**on habemus Regem. Quæ ista libertas & emancipatio? an iusto non est lex posita: facit enim ea quæ legi sunt naturaliter, & non idcirco quia præcepta lege, sed quia honesta per se, quia placita Deo? Ô beata anima, quæ ita comparata est, ut sine Rege, regatur, sine regula vivat ad regulam, quam intra servitii divini limites, non timor, non præmium, sed charitas, sed gratia, sed natura, sed sancta, roborataque continentia derineat, talis anima dicere potest: Non habeo Regem, nisi amorem; quocunque feror, amore feror. Amor meus, pondus meum; etsi Deus meus non præcepisset, etsi non promissiles præmia, non comminatus esses poenas, non conferres beneficia, ego servire tibi vellem, voluissem, & volo JESU; tuus amor, tibi complacendi desiderium, sic Rex meus, Cæsar meus, pondus meum.

Feria 5.

30. *Major tumultus. Si hunc dimittis. Barabbæ dimissio.*

I. **Q**uanto magis Pilatus laborat pro JESU, tanto amplius torant & tumultuantur Iudæi contra JESUM. Quis est iste tumultus, dum JESUS est liberandus? An non est ista interior pugna, quam sentit homo

homo,
a vinc
enda' el
nenda,
prò qu
Consti
ex alter
confusio
& præf
prætere

2. S

is adme
Pilatus
non co
cum ve
lud nel
quam
O respe
omni r
functi
non re
nimos
tur ma
eis, ut
omittit
improb
favori
certe e
sunt in

3. A

& servi
Barabb
dimissi
ai? q

homo, dum à confusione sua surgere, & quasi a vinculis & morte JESUM eripere contendit? abicienda est occasio peccati, resistendum cupiditati, sustinenda, vel condonanda injuria, subeunda confusio: pro quanci tunc ultus in corde? vis illos sedare? sic age. Continue una ex parte JESUM, hanc Regem dolorum, ex altera parte istam occasionem, illam injuriam, illam confusio nem, & cogita quam partem deceat te eligere & præferre, IESUMne, an aliam? & nonne JESUM præferes?

2. **S**i hunc dimittis, non es amicus Caesaris. Ultima hæc est machina Pilato expugnando à Iudeis admota, & quidem (proh fortunam!) feliciter. Ille Pilatus, quem tumultus, quem Principum autoritas, non commoverant ad damnationem Christi, hunc unicum verbum pervertit. Et quod istud verbum, nisi illud nefandum, & pudendum; Quid dicent? Illud inquam hominibus placendi, ac satisfaciendi desiderium. O respectus humani, qui soli, & semper, JESUM, etsi omni ratione repugnante, nihilominus infandissimis, & funestissimis, addicitis suppliciis. O cæcæ visiones, o non respicientes respectus, quanta est vestra vulgo in animos hominum potestas! propter vos nihil non agitur mali; propter vos nihil non agitur boni: vos facitis, ut mala neguantur, sed maiore; vos facitis, ut bona omittantur, non bene. Et quæ potest esse magis mala improbitas, quam unico hominum aspectu, gratiæ, favori, iudicio, Deum postponere universum? Hæc certe est injuria super omnes injurias, quæ Deo possumus irrogari.

3. **S**i expugnatus Pilatus statim dimittit Barabbam. Impossibile scilicet est hominibus satisfacere, & servire Christo, necesse est omnino, aut Christum, aut Barabbam solvi. O mi JESU, quoties ego Barabbam dimisi liberum, te verò morti addixi, & ad Crucem dixi? quanquam & tu mi JESU, hoc ipsum in tua Passi-

one egisti propter me, me enim ire iussisti liberum, te autem morti crucis obtulisti victum, extraxisti me de luto facis, & ipse in lino profundi habisti. Comedi ego uvam acerbam, tui autem dentes stupuerunt; pacis meae disciplina cecidit super te: & quid ego retribuam tibi, nisi hostiam laudis, gratiarum actionis, amoris, & etiam vicissitudinis; ut scilicet si quando, aut offendendus tu, aut Barabbas propriae meae voluntatis mortificandus: hunc potui malum affligi, & me oro te contemni, quam te à me offendi, ut sicut tu pro salute mea prostituisti omnia tua, ita & ego pro gloria tua exponam famam, exponam vires, exponam commoditates, exponam vitam, sanguinem, omnia. &c.

Feria 6.

31. *Damnatur JESVS ad Crucem.*

1. **D**amnatur JESUS. Quid mihi fiet? si justus non salvatur, impius & peccator ubi parebunt? Audite impii, qui Dei iudicium ita contemnitis, ac si illud futurum non crederetis; potuit innocentia damnari apud iniquos; nequitia apud justum Iudicem Deum non damnabitur? Invenit Pilatus quomodo damnet JESUM, non inveniet Deus, quod damnet in peccatore? Et non times Deum o homo: tot tantorumque scelerum conscius? Damnari non vis à Deo? damna te ipsum coram Deo.

2. **D**amnatur JESUS. O damnationis rei, caput erigite; damnatur enim salus & vita, ad vitam vestram & salutem instaurandam. Damnatur innocentia, reseret noxius; in salutem enim ejus est ista damnatio. JESUS non solum accusatur, non solum vituperatur,

superatur
sed etiam
hensionem
extra ju
stremus
rarior;
hunc no
sti more

3. **D**

veris au
Barabbas
vocaver
go tu p
Certissi
mundu
lis es,
ponit,
damnat
stulticia
mundu
inde pl
eris m

32.

1. **D**
mea l
crucis

superatur, non solum examinatur, non solum iudicatur, sed etiam damnatur: tu te extra censuram, extra reprehensionem, extra inquisitionem, extra admonitionem, extra iudicium, extra damnationem esse vis? Non est possibile iste humilitatis gradus, imò tantò altior, quantò rarior; videas in multis, multos alios humilitatis gradus, hunc non item, nisi in valde perfectis, & ad IESU Christi mores benè conformatis.

3. **D**amnatur IESUS, tu absolvi desideras? si in eodè iudicio ab eodem Iudice, IESUS damnatur, solveris autem tu? quis te IESU discipulum, & non potius Barabbæ sodalè vocet? An non si Patrèfamilias Beelzebub vocaverunt, tanto magis domesticos ejus? quomodo ergo tu placere potes mundo, ut non displiceas Christo? Certissimum signum est, te Christo dissimilem esse, si te mundus suâ sententiâ absolvit. Tunc verò Christo similis es, quando te mundus, eodem quo Christum loco reponit, quo autem loco Christum mundus ponit, loco damnationis, odii, persecutionis, Crucis, purgamenti, stultitiæ, scandali, peripsæmatis; es tu hoc eodem apud mundum loco? spera te prope ad Christum accessisse; proinde plùs ama mundi odia, quam studia; Etenim si placueris mundo, omnino necesse erit, te displicere Christo.

Sabbato.

32. Traditur voluntati Iudeorum. Exutus Chlamyde, Suâ Veste induitur.

1. **D**amnatus IESUS traditur voluntati Iudeorum, manibus autem carnificum. Hic cogita anima mea IESUM, in manibus ac potestate tua esse, ut eum vel crucifigas, vel a crucis morte liberes. Ecquid potius agas

non te ad pedes IESU abjicies? & per omnia jura & sacra testaberis te ejus sanguinem amare, dolere ejus dolore, & in crucifixionem ejus nullo modo consentire? Nolo, nolo, protestor mi IESU, nolo mortem tuam.

1. **I** Ostquam IESUS damnationis nuntium audisset, sine dubio immensas Patri Aeterno egit gratias, quod se addixisset in horam hanc damnationis, quā posset in honorem eius, in salutem vero hominum mortem Crucis appetere, obtulitque illi suam illam damnationem, ad tollendam Adæ, posteritatisque ejus condemnationem, non solumque non inculavit injustitiam sententiae, sed multatā quadam cordis hilaritate, amorisque fervore, illam auscultavit, & ad Crucis trophaeum festinavit, longe palatius, quā solent illi, quibus aut regni fauces, aut triumphales pomae decretae sunt, jucundo quodam animo memoriam futuræ illius diei recolere solent, & exsultare. Vide jam quas tu gratias Deo in contemptibus agas? quomodo te divinis obsequiis, honoribusque offeras? quomodo aspera, ac etiam iniqua aliorum de te iudicia auscultes? quomodo formides timore praescitae confusionis?

3. **D**ucendus ad mortem IESUS, ut cognosceretur ab omnibus, chamyde exuitur, suā veste induitur. Quis nostrum est (qui scilicet imitationem Christi iactamus) qui subiturus aliquid in conspectu hominum omnis generis, praesentem sibi notum, non dico infame, crudelemque, sed vel aliquantum indecens, ac vile, subitarius aliquid confusionis, deperdaturus de opinione d. Crimen, ingenij, virtutis, generis, industriae, non cupit nō agnoscere? En IESUS chenas vestes ponit, suas sumit, agnoscit in sua vilitate, & ignominia vult, & ob omnium ora, oculosque, inter latrones ad Crucis patibulum pergit. O IESU, quando tandem hoc germano Spiritu tuo implebor? quando ita crucis, & confusionis tuae, fame, & ita crucior, ut eam non solum non fugiam, sed etiam quaeram, & per omnes circumstantias vitro mihi augeam, & aggraveim?

aggravem? IESU per viscera tua peto, da mihi famem hanc ardentem, alidnam, efficacem: volo statim, volo hodie, semper, in omnem Crucis ferendam, & ignominie subeundae augendaeque occasionem imminere.

Dominica 5. seu Passionis.

33. *Cruz Christo imposta & bajulata.*

I. **O** Quam non aquis donatur, tu Plissime JESU, & ego vilissimus homuncio, partibus? Tibi hodie Cruz mea: mihi caro tua: ego paravi tibi, & imposui Crucem, tu parasti mentem in conspectu meo. O Amor JESU quid non excogitas? mihi debebatur Cruz, tu autem amor dedisti illam Christo pro me, ipsum autem Christum in Sanctissimo Sacramento ad lucis mihi. Mi JESU, quo te sensu, quo gustu, qua fame, recipiam? nolo aliam praeter illam, qua tu Crucem oblatam tibi suscepisti, & amplexus es. Manuississime JESU, per illud cor tuum suavissimum te rogo, instilla mihi affectum illum tuum Crucis tuae, ut illo ipso, sever erga te, erga Sanctissimi tui Corporis Sacramentum, nec non erga Crucem tuam ferri velim, & possim, & gaudeam.

2. **C**Rux Christo imposta, est onus peccatorum nostrorum in agno peccata mundi tollente, est opus nostrae redemptionis, est praeceptum Patris, est principatus ejus super humerum ejus, est contemptibile lignum, quo in diluvio salvamur; JESUS autem Crucem bajulans quid est, nisi spectaculum Patris, victima mundi, botrus torcular suum portans, seu illi impositus. Imperator armatus, securum hominum, ara fidei & victima: vexillifer, & antesignanus, omnes ad se sequendum provocans; Christianorum Stemma, signum, prototypa

prototypon, Adam sub ligno vetito non carpens, sed
 solvens fructum ejus. Ex his omnibus carpe tu fru-
 ctum imitationis, gratiarum actionis, admirationis,
 compassionis, gaudii. Non tam probrosum est Christo
 Crucem suam ferre, quàm peccatis Christianorum offen-
 di; ob Crucem sibi impositam non est iratus; ob pecca-
 ta, quantis nos malis non affecit, & pergit afficere Ec-
 clesiam quotidie? quomodo vel ipsum sui Sanctissimi
 Corporis Sacramentum ab Hæreticorum, Turcarumque
 pedibus calcari sinit? scilicet intolerabilior illi Crux
 peccatorum est, quàm quævis alia; quoniam ne illam
 ferrer, istam pertulit, & perfert.

3. **B** Ajulat Crucem JESUS, jam fractus; & desti-
 tutus viribus, præ fame, siti, vigilia, vexati-
 one, flagellis, verberibus, doloribus, contumeliis, itinere,
 hostium odio, statione tam longâ, similior mor-
 tuo quàm vivo; & nihilominus quasi integer esset viri-
 bus, Crucem suam tulit, & funesto illi oneri, hume-
 ros miserabiles supponit. Ubi meæ deliciae & delicati
 nimium labores? vix tantillo fatigor labore; jam mei
 rationem haberi, jam meliori compensari tractatione, jam
 majori exultatione rependi cupio; quietos annos ve-
 lut emeritus exigo, immunitates ab ordinariis postulo.
 Hoc scilicet est Crucem suam etiam forte fatigatus sis,
 exemplo JESU ad extrema adducti subire? imo hoc est
 eam vix acceptam projicere, & pondus ejus fastidire.
 O JESU damibi heroicum tuum fervorem, ardentissi-
 mamque sitim, avidissimam famem tuam, in appetendis,
 subeundisque doloribus, & contemptibus propter te, quæ
 nunquam langueat, nunquam explicatur, nunquam dicat,
 fuit ista; sed potius asser, asser, amplius Domine, amplius.

Feria 2.

34. *Mulieres sequentes. Lamentantes consolantur.*

I. **C**onsidera, quomodo corâ fremente contra Christû Judæorum, gentiliûque turbâ, eumque ad mortem deducente, repertæ nihilominus sint aliquot animæ, quæ illum sic tractatum fletent, & lamentarentur; & quidem fæminæ erant, naturâ timidæ, fragiles, contemptibiles; sic scilicet infirma & stulta, & contemptibilia mundi elegit Deus ad suam sapientiam, & relictis potentibus, magnatibus, sapientibus, superbis, donat infirmis, & abjectis sentire posse mysteriorum suorum sensus, eorumque dulcedine pasci. Quis discipulorum ausus est tantum, quod audent hæ modicæ fæminæ hoc tempore? nempe Deus sigillatim fingit corda hominum, & ex quibus vult instrumentum sibi format aptum suis operibus, quod gnarum suæ ineptiæ, bona Deo, mala sibi tribuere sciat. Hinc videas rudes vulgò homines, plus suavitatis in orando experiri, quàm doctos; imperitos facilius, & felicius magna etiam exequi, quàm peritos & versatos; scilicet Deus magis præstò est iis, qui se ejus auxiliò magis egere sentiunt. Itaque & tu si vis promptum auxilium Dei experiri, nihil te esse, poss. que practicè agnosce, quanto melius id in te de te seferis, cæto celerius, ac robustius juvaberis.

2. **L**achrymis compassionem super Christum ostendunt, hæ miserabiles Sanctæ matronæ, & quidem illæ in IESU nihil forte aliud, præter purum hominem calamitosum, nuper in aliquos suorum beneficium, nunc verò indignissime habitum, & turpissimæ morti destinatum agnoscebant. Quid jam me hoc, quod verè est, de Christo credentem, facere addecet, cum illum tam indignè tra-

Statum video? & quidem cum me in causa esse agnosco? pro pudor, & duritia cordium! quam sæpè vincimur à mulierculis, & rudibus, & sæcularibus, & occupatis hoc mundo? nos scilicet viri spirituales, sapientes, Deo devoti? quot ego totâ vitâ meâ, imò hoc anno, in Christi gratiam, in laudem Dei lacrymas fudi? & quid dicam, quot adii pericula, labores pertuli, onera sustinui?

3. **O** Nunquam frustra in Christi compassionem profuse lacrymæ! plorant mulieres, vertitur IESUS, & sui oblitus, alienum fletum solatur. O quàm promptus est ad beneficia reperenda IESUS; quàm tardus idem, ad vindicandas injurias; tot accepit in Passione sua injurias, æt neminem tamen ultus est: unicum accepit compassionis affectum, mox rependit. O miram IESU suavitatem! ô raram gratitudinis virtutem in nobis, & præsertim erga Deum! utinam illam discam ab IESU!

Feria 3.

35. *Beata steriles. Montes cadite.
si in Viridi.*

I. **B**eatæ steriles animæ, quæ peccatis suis Christo mortis causam non præbuerunt, vel leviozem præbuerunt; quisquis est, magnus est; ego autem talis non sum, qui super multitudinem arenæ maris peccavi. Utinam sterilior essem, aut planè sterilis ad peccandum, ut beatus hodie abs te IESU essem? & quando tandem pigebit me, offendere te? quando tandem renuntiabo perfecte omni non solum malitiæ, sed etiam vanitati, tepiditati, imperfectioni? Beata illa sterilitas, quæ frenans concupiscentiam, domans irascibilitatem, emendans malitias, supplens ignorantiam, fetum peccatorum exstinguit, & concepta suggestionum pravarum semina elidit,

dit. Istam sterilitatem animæ meæ quando tribues mi
IESU! o quare non modo, quare non hâc horâ finis tur-
pitudini meæ?

2. **M**ontes cadite super nos. quorsum iste imber mi
IESU? formidanda hæc pluvia est. Sed tamen
iustitia tua Deus, sicut montes Dei; & quis sustinebit eâ,
quando congregabis gentes, & disceptabis cum eis? Du-
plices montes habet Deus, alii sunt suavitatis, alii seve-
ritatis. Primi sunt, mons misericordiæ, mons Gratix,
mons expectationis ad pœnitentiam, mons Beneficentiæ,
mons admonitionis, inspirationis, vocationis, mons
Paternæ correptionis, mons promissionum æternarum:
Beati verò montes, & oprandi, qui utinam cadant super
nos, & obruant nos, absorbeantque ad salutem. Secun-
di montes sunt. Mons iustitiæ, mons vindictæ, mons
reprobationis, mons tribulationum, & pœnarum, mons
iræ & furoris, mons exprobrationis, mons damnationis
æternæ, & ardorum sempiternorum. O montes graves,
& intolerabiles, quorum memoriam recolens Iob, ne
ipsius quidem memoriæ eorum pondus ferre valuit. Illos
priores montes, qui nunc negligunt, qui dejiciunt, qui
dissipant, complanant, quando in mortis, & Iudicii die,
posteriores montes imminere sibi, & impendere videbunt,
tunc primum clamabunt: O montes pietatis, montes san-
cti, montes benigni, cadite super nos; at serò. Nunc,
nunc hos montes excepiam, ut illos non timeam Domine
IESU.

3. **V**erè virens lignum Christus, qui de flore Vir-
ga, Virgine sancta excrevit: nunquam virore ca-
ruit, nunquam ulum deperdidit, nunquam imminuit, sed
potius sicut lignum plantatum secus decursus aquarum, ne
solum quidem dimisit, fructum vitæ semper in tempore
suo dedit. Virens lignum Christus, solus inter omnia li-
gna sylvarum & ariditatem, & sterilitatem non admittens,
unde etiam nec securim nec ignem metuens. Unde autem
in viridi isto ligno tanta faciunt! an hoc est severitatis

Da exemplum

52 *Hebdomada 5.*

exemplum Divinæ, quod ipsa proponit, ideo, ut sapiente flagellato, & innocente punito, pestilens sapiat, & peccator pœnitentiam agat: quoniam si naturalibus ramis non est parsum, quomodo parceretur adoptivis? Si ego adhuc in virente ætate tam sum tepidus, & delicatus religiosus, quid fiet in ætate fractiore? Si tot præventus, & vallatus gratiis, tamen cado, quantum caderem, si illis carerem.

Feria 4.

36. *JESUS sub Cruce deficit.
Simon portare cogitur.*

I. **J**ESUS sub Cruce deficit. Docet crucem patientiæ, abjectionis, mortificationis, laboris, pro Christo & animarum salute, ad defectionem usque esse portandam: cadere & mori sub Cruce Christianum, Religiosum, JESU socium decet, abjicere illam non licet. JESUS sub Cruce deficit, tu non deficies adhuc sub peccato, & à peccato? non deficies à libera, & soluta, & tepida vita? IESUS sub tua Cruce deficit, ne tu sub ejus unquam deficias jugo. Infirmas enim ejus tua est confirmatio; ne accusa gravitatem & onera Christianæ vitæ, Religiosæ vitæ, spiritualis vitæ, nondum te illa ad defectionem pressit, sicut tua vita mala Christum pressit, nondum vitam Christi & Crucem, ad defectionem virium portasti; & esto portaveris: portavit & IESUS propter te, prior te; non dignus est, ut posterior tu portes pro illo? IESUS fert Crucem usque ad defectionem, non te pudet mollietiei tuæ? digitus dolet, caput afflictum est, debilitas invasit, jam eximi à communibus officiis, & pro te suppleri potest. Robusti Spiritus non est hæc natura; opprimi potest, quiescere non potest. JESUS sub Cruce deficit, & miraris mi JESU,

nos

nos illan
Gigante
enim tu
tur. J
cumbit
rore n, &
tem, hon
quos ali
suas vire
fisset.

2. I
hactenus
Crucis
post se fe
ferendæ
bus Cru
ea se exc
An tanta
persentie
stari? An
atque esse
bus in v
villa, se

3. S
cur non
quarend
neus est
non inn
vitæ pro
quatur,
die scia
Cruce C
git tibi
get aut

nos illam horrere, nos sub illa cadere infirmos, quæ te Gigantem oppressit? auge gratiam, da patientiam; ideo enim tu gravitatem Crucis pertulisti, ut nobis alleviaretur. JESUS sub Cruce deficit, ejusque ponderi succumbit, sed succumbendo Cruci pondus ademit, horrere, & ignominiam detraxit; levitatem verò, sanctitatem, honorem indidit. Hinc tanti ad illam concursus, quos alioqui JESUS non futuros videbat, nisi ipse illi suas vires ademisset, coelestes verò proprietates impresisset.

2. **D**Um JESUS sub Cruce deficit, Simon de villa veniens eam subit, mirum est cur JESUS, qui hætenus nullius pœnæ socium habere voluit, ad solus Crucis societatem admittit, & ut Crucem Simon pro se, & post se ferret permisit? An tanta est Crucis gravitas, ut ei ferendæ JESUS ipse par non fuerit? an potius tanta omnibus Crucem ferendi incumbit necessitas, ut nullus ab ea se excusare possit, sed velit nolit eam ferre debeat? An tanta est etiam ejus suavitas, ut eam JESUS abundè persentians, in alios etiam effundi voluerit, & ab aliis gustari? An ostendere voluit Crucis fructum non sibi, sed aliis esse applicandum; applicandum autem non manentibus in villa, seu mundum amantibus, sed exeuntibus de villa, scilicet mundum contemnentibus.

3. **S**imoni Cyreneo de villa, Crux imponitur, post JESUM portanda, cur non alicui magnatum? cur non alicui sapientum? alicui discipulorum? Simon quærendus erat? quia solus Simon Cruci ferendæ idoneus est: quem scilicet, non pudeat subjici alteri, qui non imitatur prudentiæ suæ, qui non solum spiritualis vitæ professione gloriatur, qui non ideo Christum sequatur, ut ditior, sed ut melior fiat; uno verbo, qui obedire sciat Deo, & omnibus propter Deum: ille dignus est Cruce Christi. O Simon, quam invidenda sors contigit tibi, vel coacto! O si mi JESU tuo id mihi contingat munere, ut Crucem tuam subire, post te ferre, fer-

re autem libenter, hilariter, avidè, imò etiam super-
bè possim, & velim? quodsi tam ineptus sum, & tantè
amoris Crucis tuæ incapax: cogi volo, mi JESU. Sal-
tem capax ero coactionis, si non sum voluntatis.

Feria 5.

37. *Vinum myrrhatum Gustas* *JESVS. Non tamen bibit.*

1. **N**Overcalem animum, & odium plùs quàm in-
satiabile, quod neq; benefacere sinè tormen-
to novit: præbet vinum myrrhatum, crucifigendo Chri-
sto, tanquam eum confortare, aut alienare à sensu,
doloreq; mortis volens, sed ne illa misericordia crude-
lis non esset, fel admiscet. O crudelitas? si à doloris
sensu alienare vis, cur fellis amarore crucias? An pro-
pinare odium Christo, quo furebas, volebas? sed quia
non poteras, ideo in symbolum & signum odii fel pro-
pinabas? An rimabaris viscera Christi, quæ sola à tua
rabie adhuc immunia restabant? nullum sensum Christo
& membrum reliqueras inviolatum; lingua supererat,
hæc igitur erat felle crucianda. Molesta erat forsitan illa
Christi tantis in doloribus patientia, & taciturnitas, fel-
le carere videbatur lingua illa, & cor illud, ergo vel
adventitio tingenda erat, ut saltem sic ad asperitatem, &
querelas proliceretur.

2. **G**ustat JESUS de felle, quia hoc opus erat ad
cruciatum gulæ. Intelix sensualitas, & cibo-
rum delicioforum appetentia, quæ Christo fellis præbet
pocula. At ego miser, & ingratus, hoc Christi crucia-
tu ad gulæ mortificationem non excitor, sed post tot in
vita spiritali transactos annos, adhuc tentationi quo-
tidie succumbo carnali. O fel Christi, quando tandem
mihi sapias, quando incentiva ista deliciarum, ignisq;

bestialis

bestialis
mi, p
hujus p
Mihi e
Servavit
pascat.

3.

durab.
Christu
sincera
anima
solatio.
Renunt
solatio
modica
habitati

38.

27

2.

eo illo
gram e
res hon
Venit J
occasio
loco vit
stare p
Pissum

Quadragesima.

bestialis pabula perfectè deestabor & excutiam? JESU mi, per fellis abs te gustati acerbiterem, da mihi hostis hujus perfectam, constantem, æternamque debellatiõem. Mihi ciborum delicias, sibi fellis amarorem JESUS reservavit? sic bonus pastor & Pater sibi subtrahit, ut me pascat.

3. **N**on bibit JESUS vinum myrrhatum, quia confortari noluit ad Crucis cruciatum. Nudus ab omni omnino solatio, & auxilio pati, & mori Christus voluit, ut sua Passio plena, & solitaria, & sincera, nullique commoditati permixta esset. Et tu anima mea quando discas, quando assuesces omni exuâ solatiõ, & merum Passionis Christi calicem gustare? Renuntia exnunc in conspectu JESU Christi, omnibus solatiis, quæ percipis ex convictu, ex amicis, ex commoditate, sanitate, successu aliorum, amore & cura, habitatione, talentis. &c.

Feria 6.

*38. Ventum ad locum mortis. De-
trahuntur vestes. Crucifigitur
JESVS.*

I. **A**D locum mortis venit vita; ut ad locum vitæ venirent mortui; & fortè ideo moriente in loco illo Christo surrexerunt mortui, & venerunt in sanctam civitatem; ut quid ergo in loco mortis adhuc hæres homo? cur non festinas migrare ad regionem vitæ? Venit JESUS ad locum mortis, cur tu fugis locum & occasionem mortificationis? Non stetit Adam primus in loco vitæ, ideo stetit secundus in loco mortis, cur tu stulte primum potius quàm secundum Adam æmularis? Pissime JESU, gratiæ tibi, qui me à monte mortis

ad montem vitæ, terramque viventium trahis, & transfers; confirma, & radica me in hoc loco Sancto, & monte sanctificato, ut nunquam ad regionem morientium convertar animò.

2. **D**etrahuntur vestes Christo crucifigendo, an non potuit vestitus IESUS crucifigi? potuit, sed crux vestitos non amat: facilius est in paupertate Christi nihil, quàm vel minimùm quietè possidere. Exue te homo, exue omnibus, non solum superfluis, non solum utilibus, sed etiam quantum potes necessariis. Opus tibi aliquibus est, sed Crux illa non admittit, abice. Quod non admittat perfectos Crucis amatores aspice, pares tibi, meliores te, juniores, posteriores te, egentiores te, carent quibusdam, quibus tu carere non potes; non te pudet deteriorem esse illis, quibus exemplo esse debueras? Non te pudet pauperiores alios videre, facere, esse, velle, quàm te; cum tamen tu plùs illis ad puritatem paupertatis obligatus sis? si in Cruce nudus non es? in Cruce verè non es; quia plenè in Cruce non es, hoc enim quod retines, eò plùs de Cruce diminuit, quò plùs solatii terreni permittit. Nudos perfectè vult crux, nudos solatiò privatò, solà vità communi contentos; si in cruce nudus non es? ubi eris? aut in Cruce, aut in inferno perfectè nudari debes? elige, ubi potius velis. Adam cum gustasset ex ligno vetito, indutus est. IESVS gustaturus de ligno Crucis & tormento, exutus est; an ideo, ut sicut ille cum gustasset nudum se vidit: ita IESUS gustaturus nuditate suà vestire illum voluit!

3. **I**Orà vità suà IESVS crucem portaverat ab instanti conceptionis suæ, tandem crucifigitur, & eadem configitur. Hoc est proficere, hoc est quotidie meliorem fieri, scilicet crucem quotidie plùs amare, semper mortificationem sui plùs anhelare, semper sensualitatis fomenta sibi subtrahere. Crucifigitur IESUS, quando crucifigeris tu? tu inquam, qui tam pridem Crucem

amplexus

amplexu
qui te
alios cr
Crucifi
sum? a
asimila
quidam
esse Cru
ar non f
us est, c
est, ub
mihi, i
ego quæ
terea Ch
stum in
est Crux
stus Cru
configur
potenti
non sic
ut humi
zumelita
sit glori
do, nisi

1. C
amur m
inus, si
mus, ve
est aud
stus cruce
atque, q

amplexus es? qui tantopere aliis crucifixionem sui suades? qui te crucifixum esse ostentas, qui alios crucifigis, qui alios crucifixos tantopere vis; & non esse, indignaris? Crucifigitur JESUS, amor ille meus: & cur ego non sum? an ego melior sum eò, quem amo? O quando tibi assimilabor, amor mi? quando tibi configar? gloriatur quidam magnus crucifixi amator, se Christo confixum esse Cruci, quasi dicat; Christum crucifixeunt milites, at non solum, etiam me cum illo, quoniam ubi amor meus est, & ego necessario sum, siquidem anima magis ibi est, ubi amat, quàm ubi animat. Item propter me, mihi, in meum bonum, Christus Cruci affixus est; at ego quoq; propter Christum, & Christo crucifixus sum. Præterea Christus Cruci affixus est clavibus, at ego Christo: Christum in cruce tenent clavi, me Christus: denique quod est Crux Christo, hoc est Christus mihi, confixus est Christus Cruci, ego Christo tanquam Cruci. O mi JESU, configantur tibi alii ut diviti, ut pulchro, ut suavi, ut potenti, ut mirabili, ut glorioso, ut triumphanti: ego non sic configi tibi cupio, sed tibi ut abjecto, ut pauperi, ut humili, ut nudo, ut dolenti, ut contempto, ut contumeliosis affecto, ut crucifixo. Sapias aliis, in aliis, mihi absit gloriari, nisi in Cruce qua, absit me scire aliquid in mundo, nisi te, & te quidem non alium, quam crucifixum.

Sabbato.

39. Titulus, Elevatio, Latrones.

1. **C**hristum crucifigi, & titulum affigi, quid est, quàm peccare, & peccatum prædicare? & quoties gloriamur in rebus pessimis? si quem confudimus, si vexavimus, si irrisimus, si contristavimus, si in faciem restitimus, veluti rem benè gestam aliis referimus, quod quid est aliud, quam titulum Christo crucifixo apponere? Christus crucifixus, titulum sibi adscribi, & nomen addi volebat, qui miraculis coruscans, nomen suum sileri ab his,

quos sanabat, iubebat, & ego non sic; ego aliquid mali subii, aliquid probrofi? fileo & larere cupio; boni aliquid conatus sum, neminem nescire volo.

2. **C**onsurge tu, qui evangelizas Sion, super montem ascende, elevare, quousque sola terra, sola Hierusalem dolores tuos, & portentosa virtutum, amorisque tui spectat? spectet etiam aer, spectet orbis; Anima mea, quæ est ista, & cui usui parata machina, quam elevare conspicias? An hoc pacto scelus suum Israel toti mundo parefecit, & tanquam Sodoma prædicavit? An ignominie dolorisque causâ attollitur? an ut tu quò tandem currere, quo confugere possis habeas; exponitur? an liber amoris, humilitatis, patientiæ, pauperatis, doloris, ignominie; tibi legendus expanditur? Elevatur IESUS crucifixus à terra in altum; quousque ergo tibi anima cruces tuæ paræ, humiles, & quæ terrenæ sunt? & quando generosa & ardua perpeti incipies?

3. **I**ESUS cum latronibus: te pudet agere cum vilibus. IESUS cum sceleratis deputatus est, te pudet humilibus, & contemptis accenseri. IESUS inter latrones est, ut inter Angelos & homines, inter reprobos & prædestinatos. Maledicit unus, defendit alter Iatro Christum, salvatur unus, perit alter, pro! quid hoc? non ambo æquè vicini Christo? non ambo crucifixi? audi ô homo, Religiosus es, in cruce es, cum Christo es? sed nondum securus es? Non in cruce pendere, sed Christum agnoscere, discernere, adorare, prædicare, latroni saluti est. Non in Religione esse, sed inibi bonum esse, saluti est. Et de Cruce, & de clauetro, itur ad tartara. O IESU; quid prodest te sequi, si non contingat consequi? O IESU Crux tua, professio scilicet vite huius, ad salutem mihi sit, non ad ruinam, suffigat cruci spirituali, sed vere Religiosus sum, sed verè moriar tecum, sed non ex-
tra te.

Domi-

Dominica Palmarum.

40. *Testes Christi. Omnis generis blasphemie. Oratio Christi pro crucifixoribus.*

I. **N**UDUS Christus in Cruce pendet? vestimenta ipsius in oculis ejus, aut sciunduntur, aut forte obtinentur. Quid est Christum nudum relinquere in Cruce, vestes autem rapere? animæ curam negligere, corpus vero & externa curare, invitationem Christi Crucifixi, & Passiones, doloresq; ejus negligere: specioso autem servitutis ejus titulo gloriari, & veste congeri, & ob hoc solum exterius Christum sectari, ut honor habeatur, ut cura, victus, vestitus, habitationis, aliarumq; necessitatum non sustineatur. Nudus etiam tunc Christus pendet, vestes verò ejus rapiuntur, quando, quod gratiæ Dei opus est, tamen industriae humanæ propriæ attribuitur; quando etiam, quod tu benè fecisti: alteri, vel ab altero imputatur: patitur hoc Christus in Cruce, patere & tu, solanque facti conscientiam Deo reserva. Vestes Christi servi ejus sunt, has aliquando Christus relinquere videtur, quando tribulari, vel a sanctitate eos cadere permittit. Quare autem dividuntur vestes Christi, nisi quia non sunt crucifixæ cum Christo; ita ergo & servi Christi, si cum Christo in Cruce essent, dividi ab ipso non possent. Dividuntur autem a Christo ante crucifixionem, quia rarissimus est, qui cum Christo possit sustinere tentationem, & mortificationem. Hinc Dominicâ in Palmis Christo stratz sunt vestes, in Passione verò eidem suæ detractæ, quia scilicet triumphanti Christo & faventi multi sunt servi, ab afflicto vero, etiam sui dulcedere non erubescunt. Rarus sanctus in tribulatione

bulatione Christo conjunctus.

2. **S**I Filius Dei es, descende de Cruce. Alios salvos facit, se non potest. Sine; videamus an veniat Helas liberans eum Christus Rex Israel descendat de Cruce, & credimus ei. Confidit in Deo, liberet eum nunc, si vult: salvum fac te metipsum, & nos. Hæ, & infinitæ aliæ, ab omni hominum genere in Christum, in Crucifixum jactatæ sunt blasphemix. Nullo tempore Christus plures legitur blasphemias, quàm pendens in Cruce, pertulisse. An ideo, quia linguæ peccata, hac ultimâ coronide Christum affligere, & a Christo expiari debebant? An quia ubi ultimas Christus exerebat patientiæ vires, extremæque ducebat mansuetudinis lineas, mox mox manum de tabula abiaturus, ibi maxime ad impatientiam, & indignationem, si aude demonis occasiones præbebantur? An quia inchoata bene, & acta fortiter, ut quoque perficiantur constanter, præcipue est allaborandum, quippe fini maxime diabolus invidet, & calcaneo potissimum insidiatus. Cautus ergo esto, tantò magis, quantò magis appropinquas fini, vel vitæ, vel operum, vel officiorum. Item tantò magis Dei laudibus, & serviciis incumbe, quantò plures tibi adversarii confurgunt, & quantò magis opera tua hominibus displicent. Scito etiam extremam Sanctorum, & perfectorum vitam, ordinariè tribulationibus & temptationibus, imprimis verè detractionibus infestari, ad hoc ergo te præpara & obarma, quantò eris Sanctior, quanto perfectius Crucem Christi conscenderis, tantò magis linguis aliorum, & domesticorum laceraberis.

3. **O** Ineffabilis dulcedo cordis piissime JESU! O vocem ab initio mundi non auditam! O Dignam Dei Filio patientiam! mansuetudinem, charitatem! Ad vocem istam creatus est quasi denuo mundus, alioquin ob scelus necati Filii Dei periturus. Ad vocem istam magis, quàm ad ipsius Crucifixi spectaculum mollita sunt saxa, excitati mortui, exultavit terra, eru-

buit

buit mundus, quod tantam impietatem, in tantam pietatem commisisset. O vocem omnibus Christianis, & præcipue perfectionis studiosis medullitus ediscendam! O si tu anima mea aliquantum tibi præfigas temporis, ut admirabilis hujus precationis viam, secretum, originem, proprietates, effectus, quam solidissimè, fructuosissimè, efficacissimè consideres, ediscas, usurpare consuecas; JESUS orat pro hostibus, excusat crucifixores, tu eos, qui tibi minus satisfaciunt ægrius ferre audebis? Pete à Christo, cor Christi erga inimicos tuos.

Feria 2.

41. *Hodie mecum eris. Mater juxta Crucem. Ecce filius. Ecce Mater.*

I. **C**onsidera quàm ferventer conversus sit iste bonus latro ad Christum, qui tam optandam promissionem obtinere, & dignus cælo evadere potuit. Vide te ipsum, quàm tu pridem in hac Cruce vitæ Religiosæ Christi causâ pendes? necdum tamen mereris audire à Christo, hodie mecum eris: quod scilicet non tam ferventer converteris. Et non te pudet, quod Publicani, peccatores, & latrones præcedunt te ad Regnum Dei? quantum dedecus est audire dum latroni dicitur, Hodie mecum: te autem formidare, ne dicatur tibi: nunquam mecum eris. Cur ergo non aliquando peccata, & vitiosos mores deseris? cur non resolutò animâ Crucem Christi amplecteris.

2. **C**onsidera anima mea, Matrem hanc supra modum mirabilem, juxta Crucem Filii consuetam. O mare æneum verè magnâ, mare quidem ob amaritudinum copiam; æneum, ob animi tantam in luctibus

tribus & doloribus firmitatem ! O Mater admirabilis & miserabilis, magna est velut mare contritio tua, & non est qui misereatur tui. O stupenda Mater, quæ Christum JESUM Filium parvulum, sed non ad vitam, verum ad mortem, non cum exultatione, sed cum dolore, non in stabulo, sed in Cruce; non in nocte, sed in meridie. O admirabile & lachrymosum puerperium ! O dura Maternitas, quæ hæc lege parit, ut prolem amittas, & cujus parere, est Filiò carere ! O anima mea, mirare mecum hanc tam modestam in dolore, tam constantem in adversis, tam quietam in tanta perturbatione, tam misericordem in compatiendo, tam clementem in condonando, tam resignatam in Dei voluntatem, tam magnanimem, in honore suo propter Filium Crucifixum prostituendo. Pete supplex à Matre istæ dotes istas, ardentem illi conformari concupisce, ex corde illi compatiere, & modò quò Filio suo illa compatitur.

3 **E**cce Filius tuus: Ecce Mater tua. O voces miras, mortaliumq; cordibus operatissimas. Filium affici Virginis: quid dulcius? Matrem habere MARIAM, quid securius? O Mater non dedignare nos filios, quoniam Deus non est dedignatus te Matrem, impares tibi sumus nos, sed & Deus te infinitè dignior. Facta tamen es tu Mater Dei propter nos, fias igitur Mater nostra propter Deum, peperisti nobis Deum, paries nos Deo. Non est hæc indigna dignitate tuâ prærogativa, ut fias Mater universalitatis, quæ es Majestatis. Facta eras Mater Dei, quando de Spiritu concepisti, facta es Mater omnium post Deum, quando à Filio vocasti istam, Ecce Filius tuus, audisti; dic igitur nunc etiam Virgo Sancta, illud tuum solenne: Ecce Ancilla Domini, fiat nubi Fili mi secundum verbum tuum. O anima mea, accipe ex hac hora Matrem hanc in tua; ut sit deinceps Mater tua. Ad illam filiali affectu accurre, illam filiali affectu venerare, illam filiali affectu diligere: illi filiali affectu assimilare, illi filiali affectu, fides,

assiste,

assiste,
& effice,

42.

1. CO

peccato c
tiz splene
anima d
pul signa
tium, i
turi eran
fertim ve
exhorru
pulturus
horruie
mus; vi
quando
quando
ad teneb
gme exho
quæ te
a. SOL
S Ch
Christus
re non c
quare no
rum nuni
sti mutigi
lores Ch
pter dest
bi hono

assiste, adhære. O MARIA: ecce tu Mater mea; da,
& effice, ut sim ego dignus te filius tuus.

Feria 3.

42. *Tenebræ totius terræ. Derelictio.*

1. **C**onsidera, Crucifixo Christo solem obscuratum in meridie, in plenilunio, ita scilicet dum Christus peccato crucifigitur, omnes hominis justitiæ, omnis gratiæ splendor, omnis dignitas supernaturalis, & meritum ab anima depellitur. Tenebris istis cæcitas Indæici populi signatur, quæ hodieque durat; designatur cæcitas gentilium, in qua vivebant, & si Christus moreretur, perituri erant; designatur & enormitas omnis peccati, præsertim verò Crucifixi Dei, ad cuius sceleris aspectum Sol exhorruerit, & mortem mundo induxerit, tanquam sepulchrum æternis tenebris, tanti sceleris memoriam. Ohé? horruit Sol peccatum: nos non horrescimus, in ô patramus; vide quoties in te talis obscuratio solis contigerit, quando currebas benè, quando Spiritus Dei adhaerebat, quando securus gratiæ Divinæ videbas, in meridie ipso ad tenebras æternæ calamitatis devolutus? O quando dignè exhorresces, hanc presumptuosam tuam securitatem, quæ te velut cæcum in foveam peccati detrudit?

2. **S**ol obscuratus est, & tenebræ per totâ terrâ factæ sunt Christo dolente; usque modo dolet, patiturque Christus, in peccatorum animabus. O tu, si Sol es, quare non contristaris? quare Christi injuriis non condoles? quare non quantum in te est peccata tam in te, si de horum numero es, quàm in aliis impedis, & dolores Christi mitigas? An te obscurari pudet, propter leniendos dolores Christi? & cur non pudit obscurari Christum propter destruendam damnationem tuam? An pretiosior tibi honor tuus, quàm Christo suus? An major apud Christi-

rum tu, quàm Christus apud te?

3. **D**eus-Deus meus: ut quid me dereliquisti? verè dicis piissime IESU, & iustè querens, cur derelictus sis: quanq̃ am non est vox & questio ista velut ignari, non est indignantis, velut irati, nec est conquerentis, velut offensi; sed est magnitudinem doloris opportuno tempore efficaciter declarantis, & se verè pati, ac sentire grandia ostendentis. Derelictus enim eras Domine IESU, non quod dissoluta esset unio illa naturalis & essentialis Personarum, & naturæ Divinæ, aut illa Hypostatica unio naturæ humanæ cum persona Verbi, aut unio gratiæ & voluntatis, aut unio gloriæ, & beatificæ secundū partem superiore[m] visionis: sed quod dissoluta fuit unio protectionis, quæ ad breve tempus supra fuit, ut locum oblatio cruenti sacrificii haberet; pro nostra redemptione. Placuit siquidem Patri, Verbo, & Spiritui Sancto, ad exequendum commune decretum permittere, ut vis humanæ infirmitatis, & possibilitatis, in te ad tempus prevaleret, & sic transigeretur illa hora, de qua olim dixeras ipsemet: Hæc est hora, & potestas tenebrarum. Sic igitur derelictus es, quia permissum est à Deo, ut humana tua natura, absque omni consolatione acerbissimos dolores perferret. Sed quid dices anima, quando de cruce pendens IESUS clamabit ad te: ô anima mea, ô mea creatione, mea tantâ & tali redemptione, ut quid derelinquis, ut quid dereliquisti me, affixum propter te, ne possem derelinquere te? quid ad hæc respondebis illi?

Feria 4.

43. *Sitio. sponsia aceto plena porrecta Christo.*

1. **S**itio clamat IESVS; ô quanta vis illius sitis fuit! quam hanc vocem expressit: naturalis fuit, ex summi

lone.

longissimisque cruciatibus, & ex multis, ac copiosis sanguinis effusionibus, ex continua octodecim horarum poena, & iactatione, fatigationeque contracta fuit. O quibus tibi austeritatibus corrupta tua natura, impotensque gula frenanda est, cum videas IESUM, tantâ sibi affligi voluisse humanitatem suam?

2: Sed est alia pessime IESU sitis tua gravior, & suavior; sitis scilicet animarum nostrarum, quas videbas paucas salvandas, etsi tu tam copiosum sanguinem pro eis sudasses. Itaque cupiens plures salvari, cupis etiam plus pro illis, si ita Patri placeret, cruciari. Itaque clamas, sitio; quasi dicas, quia plures animas meo sanguine efficaciter salvari cupio, ideo plures cruciatus & poenas sitio: quasi dicas. Attendite animæ, quantum diligam vos, tot jam licet perpeßus propter vos, adhuc tamen dolores propter vos sitio. quasi dicas. Attendite ira, & odium hostile: tu explevisti te poenis meis, & satiasti, at ego nondum: sitio. Tu jam fatigatus & furor, at meus amor adhuc sitit, & clamat, sitio. Overè aquæ multæ non possunt extinguere charitatem & animæ Christianæ, ô mea anima cur tam crudelis es, cur tuo profecto sitim IESU non relevas? cur animas, quas ita sitit IESUS, non sitis: Si pæßes obtinere, impetrare, experiri, finim illam IESU, quâ ille animas, quâ tuam animam. quæßit, sitivit, curavit? Videte Christiani, quid siriari? vide tu anima, quid sitis? patine pro Christo? laborare pro Christo? contemni pro Christo? an potius quiescere, honorari, benè habere, & vide quid te deceat, ita sitiente Christo?

3: Pongia aceto plena in siti Christo porrigitur. Natura humana spongia est, acetum corruptio. Natura ergo humana corrupta Christo propinatur sorbenda, quando illi præceptum datur de ipsa in Cruce redimenda, Ideoque sumi sisse legitur acetum, quia & infirmitatem naturæ, & passionem pro homine pertulit. liceat quoque

mihi piissime IESU gustare de aceto tuo aliquando, hoc est, dolores, contemptusque tuos subire propter te, & sic amoris tuo conformari, nec usque ad mortem de crucis, & humiliationis studio remittere.

Feria 5.

44. Consummatum est.

1. **E**Cquid consummatum est Domine IESU? peccatum Iudæ, an peccatum meum? Heu quis scit, an non completa mensura malitiæ meæ, & succedat impenitens cor, & reprobis sensus? O IESU, libera me a consummatione ista, & serva me opus manuum tuarum; quia quæ utilitas tibi ex tanto sanguine tuo, pro me fuso; si periero nihilominus in peccato meo? Tu autem anima mea, time peccare, & quaslibet imperfectiones, præsertim deliberatas, seriò & constanter vitare propone.

2. **Q**uid consummatum est Domine IESU? an virtutis tua, & opus redemptionis nostræ, quod dederat tibi Pater, ut faceres illud? verè nec jora unum præteristi, ex omnibus quæ audieras à Patre; & ego quando ad tantam consummationem, perfectionemque virtutis me resolvam, ut minimum apicem de voluntate tua, nutuque, & inspiratione mi IESU non præteream? ut exemplum exequar omnia, quæ requiris à me, ut quam perfectissimè cupiam, & conitar placere tibi? scio id non esse virium mearum, sed auxiliorum tuorum. Tu ergo mi IESU consummationem hanc operare in me, & usque ad ultimum anhelitum vitæ meæ, conserva illam, & adauge mihi.

3. **Q**uid consummatum est Domine IESU? Dolores tui, Passio tua, tempus potestatis in te
inimi-

animico
suerunt,
rem car
nem d
nisi in
Sacram
consum
quando
tradidit
nem m
enda.
ad te o
aspera,
pter am
olo san

45.

3. (nato ca
reverent
am, m
miracu
omnia
IESUS
mæ car
latum
excelle
di & o
t. m
seclua

inimicorum tuorum, charitas tua? Ita sanè: omnia tran-
fierunt, consummata sunt, perfecta sunt, præcipué au-
tem caritas tua, quâ cum dilexisses nos, usque in fi-
nem dilexisti, à summo inchoasti amare nos, & non
nisi in summo desisti, dilexisti nos in finem, quia in
Sacramento reliquisti nobis Corpus tuum, u.que ad
consummationem sæculi; dixisti etiam in finem,
quando idem Corpus tuum, in dolores, & mortem ipsam
tradidisti pro nobis, ita ut tuæ Passionis efficacia, ad fi-
nem mundi, infinitis peccatis nostris, non sit exhausti-
enda. Outinam propter te omnia diligam, adducam
ad te omnes animas, tuo sanguine redemptas; omnia
aspera, & abjecta, & vilia sustineam propter te, & pro-
pter amorem tuû, & propter salutem animarum, preti-
oso sanguine tuo redemptarum!

Feria 6.

45. *Anima commendata. Mors;
Miracula. Apertum latus.*

1. **C**ONSIDERA JESUM consummatis omnibus, cum
clamore valido clamantem voce magnâ, incli-
nato capite, humili, & ardenti, plenâque amoris. &
reverentiæ in Patrem oratione, spiritum, & animam su-
am, manibus Aeterni Patris commendare, & mori. **O**
miraculum super omnia miracula! ô calamitatem super
omnia calamitosa, quæ mundo nunquam contigerunt!
JESUS mortuus est, & pulcherrimus ille nexus purissi-
mæ carnis, cum Sanctissima Anima dissolutus est; sub-
latum est individuum ex humano genere maximum, &
excellensimum; flos & corona naturæ humanæ, mun-
di & omnis creaturæ decus, pretiosissimumque marga-
ritum. O damnum damnis majus! O damnum, quod
seclius humanum facere potuit, reparare sola omnipotens

centia poterit, damnum cui mundus universus compari non potest, damnum, cujus solius inflictione Deicidium pupi poterat, nisi per illud commissum esset. Desse hoc damnum anima mea, & ad descendendum omnes creaturas convoca.

Non est convocando opus: sponte veniunt: en terra mota est, en petra scissa velum rati, tum, en mortui surrexerunt. Perculit dan ni hujus acerbitas etiam rupes, pergit ad cadavera, & in yrbum, sensumque emortuis dedit, & tu non percenteris? O te saevius duriores, & mortuis magis mortuam animam; mora est terra mortuo Christo, tu etiamnum signis, in torpore haeres; ruptae sunt petrae, tu quando ad efficaciam, tam copiosi, & pretiosi, inte fusi JESU Christi sanguinis, emolleces, & in manibus Dei tractabilis evades? scissum est velum à summo usque ad deorsum, & detexit Sancta Sanctorum, tu quando peccata confessione deteges? quando cor contritione scindes, quando pretium sanguinis Christi, & viam vitae, toti, quantum in te est, mundo evulgare conaberis? Monumenta aperta sunt, cur tu impiorum corda, per claves poenitentiae, & praedicationis, Christo patefacere pigritas? Surrexerunt mortui, & ad Sanctam Civitatem venerunt: tu quare non surgis? quare alios non excitas, quare ad Civitatem Sanctam, Christi sanguine jam expugnatam, & apertam non testaris, non trahis, non compellis? Moriente vita surgunt mortui, scilicet turbata sunt omnia, & in praeposteras abiit leges. Mors non aiter occidit, aut vincit, nisi cum ad vitam ducitur; quod enim est mors vitae, hoc vita morti; & sicut per lucem tenebrae, per tenebras lux occiditur, ita perniciēs vitae mors, perniciēs mortis vita est: perit vita, revixit mors, atque hac ratione mortuo Christo prodierunt mortui ad vitam. Mortuus est JESUS propter te? tu quando mori incipies tibi propter JESUM? Vide quomodo producat hac mors Christi? quando illum, incipies

cipies resuscitare in te, in animis? Vide autem culpam, autem negligentiam, non sic mortuus Christus, etiamnum in te, & in aliorum cordibus? Mortuus est JESUS clamans, orans, caput inclinans, Patri Spiritum tradens, & committens, lachrymas fundens. Disce à Christo mori Christiane, ad mortem que te præparare. Clamor est; contritio & contritio, Oatio, est veniam postulatio, & auxilii contra luctas cum demonibus in oratorio: caput inclinatum, anitens est de viam misericordiam, & meritis Christi nixus. & confusus. Complicatio & lachryma, sanctio est. Denique Patris complicatio, & servitudo in manus ejus commendatio, nihil conciam sibi mentem, & Deum videre desiderantem significat. Sic mori te IESUS docuit; sed si mori vis, quomodo mortuus est IESUS: vive, quomodo vixit JESUS.

3. **A** Pertum est latus Christi, ingredi, cor Christi cupis? patet porta. Sed adhuc illud non habes? tibi, tuæque desideria imputa. Et quid est habere cor Christi? inter pericula vivis, cur latus Christi non intras? ingredi anima mea, ingredi confidenter, in hanc officinam bonorum, & donorum, & gratiarum; si times? ibi abscondere: si nuda es? ibi vestire, si egens es? dicere, si ægra? sanare: si rudis? erudire: si frigida? calefcito: si maculata? lavaror: si fessa? quiescito; Hic habitabit anima mea, hic spira, hic vive, extra hoc latus nihil tibi placeat, nihil luceat, nihil sapiat, nihil vivat. Q JESU, permitte me ingredi in latus tuum, permitte me in hoc divinitatis palatio, in hac sanctitatis sede, in hac amoris officina, in hoc gratiarum gazophilacio habitare, & da gratiam, ut in eo dignè possim degere, vivere, morari in æternum.

46. Deposito, Unguenta,
Sepultura.

1. **T**Andem accingere anima mea, & JESUM tuum de Cruce deponere; quousque enim illum in Cruce perfectionum tuarum extendes? Considera has Cruces, detestare illas, & emendationem propone. Non se ipsum Christus deposuit, sed deponi ab aliis voluit, perseverandum enim est in bonis, & in voluntatis Divinæ implementatione, neque pro tuo libitu cessandum, sed quamdiu placeat Deo, manendum, & patiendum, quod si molestum est, & probrosam, cogita non esse molestius dolore mortis, nec ignominiosius supplicio Crucis.
2. **D**eposuit de Cruce JESUM? non est satis; unge insuper, & mundâ syndone involve; unguenta tua, devotio voluntatis, puritas cordis, fervor orationis, stabilitas cogitationis, in Deum definitio mentis, vigor Spiritus, sublevatio à terrenorum sapore, non solum animæ, sed etiam corporis, sinceritas intentionis, constantia boni operis, denique jugis recollectio & imitatio Crucis Christi & Passionis. His unguentis JESUM unge, & places; sed unde hæc tibi unguenta? pyxides aromaticas quaere. En apotheca plena & instructa JESUS ipse, tot pyxides hic, quot vulnera, sanguis ejus, dolor ejus, mors ejus, hoc est unguentum ejus, hinc sume unguenta, hæc effunde; nec metue repulsam, in hos usus exposita sunt; securus adi, sume, utere. O anima cur ergo hæc vulnera non amas, non usurpas, non oscularis, non nocte, dieque cogitas, non tibi efficaciter & medullitus imprimis? JESU tui hoc muneris est, tu dona.
3. **S**i unxisti JESUM, etiam sepeli. Sepulchrum JESU

Ser tuum: laxum sit contra peccata & tentationes.

durum.

durum
dum & p
liberum.
eternum
toto cor
corde ha
primere
corda a
cere veli
curius q
custos
cu


71
Quadragesima


durum, cavatum tamen, excisum & novum, quia mundum & purificatum, & à turbis passionum secretum & liberum. Ibi sepeli JESUM anima mea, scilicet pactum æternum cum JESU ini, quod nempe illi servire, ipsum toto corde amare, memoriam Passionis ejus semper in corde habere, virtutes ipsius seriò imitari, in teque exprimere, secundum cor JESU, cor tuum dirigere, aliorum corda ad JESVM adducere, ipsique in perpetuum addicere velis. Mi JE .V, mane in me sepultus, & ut tantò securius quiescas, sigillum vulnerum tuorum appone, custodis tuis cor meum circumda, ut fiat in pace locus tuus, quo maneas apud me quietus, & tutus ad mortem.

Amen.


A. M. D. G.







Biblioteka Jagiellońska



stdr0022027

